

1026.111  
139  
34 = 2

9.80

泗陽州志

寺觀	驛鋪	建置志	第三本
	關渡	城池	
	祠祀	公署	





沔陽州志卷

建置志

城池

金城千里湯池百步王公設險古今所同而沔介江漢  
尤屬縮要故量地制宜度地居民漢唐以來稱雄鎮焉  
其閒屢圯屢修非由於兵則由於水慎固封守匪異人  
任矣志城池

沔陽故城元末燬於兵明太祖乙巳

元順帝二十五年

指揮沈友仁

循故址築

方志引明人舊志云沔陽城在國初乙巳指揮沈友仁循故址築曾文恪修城記則云城不知起何時今崇禎十四年八月因修城掘得舊輒上有大漢復慶路大義三年七月字按陳友諒以元至正二十年庚子僭號改

沔陽州志

卷三

建置

城池

一

元大義三年為壬寅至癸卯八月友諒死是州城乃友諒所創三年七月是於其時陶輒不於其時完城也越三年而友仁即循其故址竣工可知復慶路之名亦當是友諒所改

之周千一百有六丈厚丈二尺高倍之門六東曰仁風

舊曰大東

曰同仁

天啟六年署事許惠一開遂塞大東門崇禎十二年知州章曠塞之開大東門康熙二十年知州楊士元

復開二門並存後旋塞

年即因故蹟在城底開

南曰

南紀

舊曰荆南

西曰長夏

舊曰柏樹

北曰建興

舊曰大北

曰楚望

舊曰小北

又東

南曰仁和

俗曰小陽開建年代失考

其城雖屢修築歲久頽敗崇禎十二

年增修十三年春夏大雨城有壞者又補修之十四年凡舊

城之卑下者悉改築城東倚蓮花二池西南北濱河朱昂云

環城皆水因河為濠形若蟬也

魯鐸修城記沔間江漢為川而州據湘漢之中湘以上為



荆岳為巴蜀為辰沅為衡永漢以上為安陸為襄鄖為南鄧漢中繇沔而下則漢陽武黃九江諸郡不勝計也海內之人水陸交集寇賊奸宄時時竊發若屬有潢池之孽遠相根蔓則喉襟重輕實茲焉是繫故沔不可一日無城亦不可一日有城若無城也正德丙子祥符李川甫以奉訓大夫來守沔未三月屬江漢台漲沒城址二尺風雨彌月助為崩嚙大夫憂之列柵以守重民飢未遑治也明年水復大至城壞四百尺大夫憂之益謀所以修之而連歲告役民力竭庫帑虛大夫乃移書諸當路曰沔多陂澤水傷農陂澤滋利矣請以征魚之羨為城費計時都御史吳公獻臣奉命以便宜行荒政至聞之曰猶之為民也助其費幾三之一於是白金以緩計凡百八有奇故事城有役軍民同之大夫乃使度城三分壞之二於民自餘以遺軍士並以兩計白金八十給之約日即工出納敦事咸選擇人使之遂庀財用募丁壯執鍤荷杵負土石就事者足相躡以致大夫復時乘城暇勸犒徒匠胥勤肇手於戊寅之三月丙寅為日二百二十有八而訖樓櫓竿檝煥焉改觀時巡撫都御史秦公國聲僉事孟公望之按沔問民於諸里居暨諸生諸里居暨諸生述大夫所以裕民反之二公登視焉有歌者曰瞻彼新城乃忘厥舊安吾為宗急吾知所走胡不吾聞吾於力是助復有和之者曰新城有嚴

沔陽州志 卷三 建置 城池 二

奄失故所雖有奸譖孰敢余侮而今而後釋予所釋予金爰肆力於畦畝秦公顧孟公日子聽之歲大侵久矣吾宜怨咨之聞也乃今舉大役而民有不知者顧庇及於卒伍政可知矣守人不當如是乎僉曰有官吾郡縣皆合若茲吾豈其復犯風露是不可不視屢類使繼今有聞也諸里居介其學之師賓走諸生於東岡俾魯鐸記諸貞石鐸雖病憊而茲事甚所樂聞因此筆記之 王極碑記粵稽沔城雖僻處一隅然以鄧為屏蔽襄郢為門戶襟江帶漢固屹然荆西一雄鎮也 國初為直隸州與十五郡等迨肅皇帝起石城而沔遂屬焉邇者甘泉烽火外逼邊患潢池弄兵內苦流氛而三楚之剝膚更甚天子焦勞屢以修練儲備勤諭守令乃自畿輔以暨各省或苦殘破或苦災荒有應有不應而詔旨之加督轉嚴尤吾沔適震鄰於郢鄧黃鄭之諸寇垣修備為守茲土者第一義自承平習玩頽垣圯壞幾夷於塹櫓翳不翦峻削失常跋羊堪牧其上矣識者慮之郡侯章公以崇禎十一年十月莅任不數月政通民和百廢俱興十二年春禎紳衿耆老慨然以增修城守為急遂首捐俸為士民倡凡磚石瓦甃土木材精咄嗟而辨於是幕贊董君實董厥役潔已奉公不遺餘力是以子來恐後而成功俄頃從來役大費繁未有告成若此之速者自是仁風門小東門城樓聿新建興



楚望西城南紀四門舊為風伯損壞祝融灰燼者靡不次第  
補葺每五十堞建一舍鈴鐸相聞每十堞樹一竿旌旂相望  
內視則粉堞雄於百雉外視則金墉擬於萬仞真巍然江漢  
間一大保障也非公明以鳩之悅以使之斷以成之曷克有  
濟乎自是嚴保甲訓鄉兵則修而練矣積糧饗貯火器則儲  
而備矣一事而兼舉四事於地方為勞於吏治為能於士民  
為德於朝廷為忠即南仲之城朔方仲山甫之城東國何以  
加焉王荆公曰有其患而無其具有其具而守之非其人而  
治之無其法得以久存而無敗者未之前聞今修練儲備四  
事畢舉豈云無具剛毅惠和神君慈母豈云非人區畫精當  
大而可久豈云無法今而後恃以不恐殘黎獲有甯  
宇公之功德萬世永賴矣釜魚阱獸又胡足慮哉 國朝

雍正七年重修

見雍正通志

道光二十九年五月二十五日東城

外之豐樂閘潰大水入城東城甕塌不數日建興城甕亦塌  
三十年春知州吳瑛籌款將二門城甕並二城樓修復額東  
樓曰雄楚咸豐四年粵賊竄城各門城樓焚燬僅存南紀門

沔陽州志

卷三

建置

城池

三

城樓一同治十年知州羅登瀛改建長夏門城甕修理各城  
門閘板同治十一年又改建楚望門城甕

仁風門譙樓咸豐四年賊燬

南紀門譙樓今朽

唐錢起登復州南樓詩孤樹延春色他山捲曙霞客心湖上雁歸思日邊花行李迷

方人歸期涉歲餘故人雲路隔何處寄瑤華

長夏門譙樓咸豐四年賊燬

國朝包國翰登西城樓詩若耶簾捲看江籬百尺虹梁駕水

湄芳草枝頭迎古堞垂楊樹裏見荒陴依人嶽色全盈掌逝水湖光半壓眉千古廢興都不管只留風景入新詩

建興門譙樓咸豐四年賊燬

楚望門譙樓咸豐四年賊燬



建置志

公署

公署不可視同傳舍也聽政明刑揆文奮武士民之睹聞屬焉鬼神之監察隨焉匪徒堂廉峻整廊廡修潔高自位置而已履公廷如對帝天坐堂皇不怠職守是則國家重官司而建公廨之至意也志公署

州署近西門中為聽政堂堂左為庫房右為貯冊房左右翼為六房堂前為聖諭牌坊再前為儀門門東為社神祠西為獄東南隅為寅賓館今廢前為大門門上有譙樓堂之後為一堂堂左為齋右為西書院院後有軒旁翼小齋二堂後

泗陽州志卷三 建置

公署

一

凡三重皆為知州廨舍 按明洪武九年改府置州以府為衛而徙州城西肇建者志失其人宣德閒知州丁鏞同知姚信判官朱頤修正統癸亥復建志失其人天順閒知州鄭立同知王達弘治閒知州林濟正德閒知州徐咸李濂嘉靖閒知州儲洵同知歐賢後知州陳頤萬厯閒知州錢正志俱增修錢正志修建州治記夫尊主庇民莫大乎治故堂廉峻整所以崇體也吏胥有所即事無曠下令如流水之源舉事如泰山之安是以政教必達苛慝不作治之所關詎不大哉洵故府治在城東北洪武初改州在城西南重修於弘治己卯州守林君濟至萬厯庚辰而就圯支村欹傾以牙几席維時賦役不均民生日蹙庚子辛丑閒水火載罹田野汚萊室廬瓦礫流離日甚桴鼓數起治敝而民從之無足怪者王寅二月余承乏守土至之日徬徨裹足不能終食蓋南垣東廡幕署皆燬堂僅歸然拉雜傾側不勝其危召吏計費吏曰向計



千金尙虞不給經費無出請埃稔歲余晒曰棟折榱崩近在旦夕而欲遠待豐年是須越人而拯溺也已而入私署則漏蘆爲障窪濕蒸鬱歎曰沔故名州也而敝乃至是吏固慢耶抑勢不可耶即捐俸金四十填池築室遷於堂北前後五楹閏月工畢時以年稔奏改漕折部覆不允旬日之中徵米萬斛檄書旁午火馳四應戴星不給雨潦縱橫堂下褰衣送客晴日穿漏堂上張蓋治事習以爲常一日風雨暴至屋摧然有聲堂中人爭走階下露立余始懼然據席曰屋覆也而獨遺我乎夫名與身孰親也自是復思建立念民艱無可爲者獨有充役可裁俸贖可捐耳遂稽曠役節浮費清允食歲終會計得九十九金益以俸金五十使吏目姚文治義官邵一清市材漢口又聚米得數百斛時春和細民乏食聚糧招之應者雲集以癸卯二月三日肇工踰四十日尊美堂成堂凡五楹東爲庫庫前爲幕廳西爲架閣閣前爲儀仗前爲雲軒三楹以底下也基倍四尺四月丙午迎年樓成凡三楹倍二尺六寸上爲刻漏置鐘鼓五月儀門五楹東廡十楹成皆倍二尺八月續建後堂西廡十月畢工先此余捐半俸助修吏目衛自是沔可稱完州計費市高明之櫪三百金領贖百金竹石麻鐵灰炭諸費亦百金以米質土升八石計米八十石工匠人日食三升計工六千米一百八十石犒賞花紅酒食

沔陽州志

卷三

建置

公署

二

三十金費出節省者十之三俸十之二察大小之情十之四搜內外之羨十之一此其凡也是役也同僚姚君王君實贊成之董其役者義官邵一清暨老人王崇禎十六年賊燬三金等而沙鎮巡檢楊志宜力居多云

國初州牧賃民居康熙七年知州朱作賓仍舊處鼎建自後修葺無考咸豐四年賊燬同治十三年知州王元曾重建頭門內左爲各役班房右爲監獄便民所儀門內中爲大堂左右爲書吏科房宅門內中爲二堂左右房各三間二堂後爲三堂左右房同二堂二堂左爲花廳右爲幕府

學正訓導署向在學宮東

王登修州學公署記學堂之右爲學正衙入門如委巷及重門曠如

也中有堂堂左右有耳房堂後爲寢室凡三間寢東爲廚房西堂燬於火嘉靖癸未冬予來此前守海陵儲公爲予修之乙酉夏水潦灌城周圍土牆頽然垠矣是冬十月郡守天台陳公下車見之戚然命義官李相董工重修焉先時闔郡城



之水由衙後出淫雨則其址沒而牆壞乃疏溝於外退而築隄視地高二尺許實土為牆延袤四十餘丈歲盡而土工畢復於寢西建屋二間作廚房為東西社堂西建屋三間為讀書所前後凡十二楹丙戌春將落成適有鄂渚之遊逮夏五歸因以碧芹香雨匾於堂堂東半畝則編竹為籬以種蔬就中鑿井及泉冷然名曰灌蔬泉西即新所建者時文宗少華公得古桐以製六琴其一曰德音錫予載歸予嘗兀坐其中致琴膝上鼓之因以琴名名亭亭左為藏書室右為貯文卷房書室之左有小門通後隙地歲久荒穢雜以瓦礫隱以蛇虺不可以處是日課小豎悉芟平之淫則淪而為池池中有臺環臺樹楊柳傍陰可風憑高可眺方石可奔臨水可釣遂名之曰四可臺東西橫獨亦為橋園環百餘步雜蒔花木客至延入長嘯散步四時芬芳不絕乃題其額曰收春洞夫一區之宅仗二公而後修經三載而後成殆非偶然者近世士大夫視公宇為傳舍去之日僅存四壁方諸魯叔孫之館何如也因援筆預以自戒且以示後之人後地廢康熙四十八年學正王家繼買葉姓草屋為官署距學甚遠訓導劉家謨倡士修建官署在儀門外學門內之左翼

故志

### 沔陽州志

#### 卷三

#### 建置

公署

三

其後修葺失考咸豐九年學正舒心田訓導范希中偕紳士重建二署俱在學門外之東其中為節烈祠至學正舊宅有竹屋德音亭訓導舊宅有五清書屋琴鶴居俱久圯又諸生書舍三十楹在二坊東倉在明倫堂西芹香亭在泮池東俱久圯

並詳故志

吏目署在州署大門內賊燬未建

州同署舊在州署左後移駐新隄河岸

州判署舊在州署右順治十四年改駐仙鎮

沙鎮巡檢司署在沙湖鎮

茅鎮巡檢司在茅埠二司俱明成化中都御史劉敷奏建後



茅鎮司移署新隄 國朝雍正七年復移駐鍋底灣

州城城守把總署舊在仁風門內咸豐四年賊燬基地存

沔衛運糧千總

新隄分防守備

水師營把總俱未設署賃民居

稅稞局舊在十字街西後徙江北今廢大使一人明嘉靖三

十三年革

器仗軍器局在州東南工七十二人每五歲令指揮一人掌

之每歲所造函四十胄十五弦四十弦八十矢一千二百四

十銃箭四百鎗四百盾二十畢則貯之州庫明正德七年新

沔陽州志 卷三 建置 公署

四

降式增減少異至嘉靖十一年仍舊今廢

教場在州東明正德二年指揮葉茂重建萬厯四十五年知

州郭僑重修

陰陽學在東門內典術一人 故志

醫學與陰陽學共一所明正統十年典科何誠建典科一人

故志

僧正司在報恩寺僧正一人 故志

道正司在元妙觀道正一人 故志



建置志

驛鋪

州縣之有驛遞所以通聲息而速應援也當軍書旁午之時中外閒隔全賴庚郵往來藉得聯絡防禦沔一隅僻處咸同閒紅巾倣擾飛書馳羽旦夕不停縱有豎亥大章之捷若不隨時勾稽稍延寸晷貽悞匪輕矣志驛鋪

州前總鋪五名急遞鋪一名東方鋪二名新開鋪二名探桑

鋪三名朱家鋪三名鐵巨鋪三名潘老人隄鋪三名剡河鋪

三名方輿紀要剡河口在州西北六十里剡與穴同蓋水流分洩處亦曰剡河新掘口水別流所經也有河泊所並

沔陽州志卷三建置驛鋪五

置剡河南黃鋪五名磚子鋪三名石牌鋪三名 以上九鋪

三十七名係西路徭編衝鋪 窰頭鋪三名麻港鋪二名曾

家鋪二名仙鎮鋪二名漏罐鋪二名北直鋪二名以上六鋪

十二名係北路永充其後增設新隄鋪十二名方輿紀要云漢津驛州城

東北一里驛前有江北渡東接漢陽西接潛江景陵為一州之津要 又引志云州有深江剡河兩驛今俱革 又云侯

埠關在州東六十里今有侯埠驛置於侯埠關側 又云沙鎮在州東一百五十里有沙湖驛並置巡司於此



關渡

沔為襄郢門戶而湖河巨浸到處環之故往來行人叩關者柝聽重門覓渡者杭招一葦所幸昔人建置周妥水陸通衢向稱安謐則遠方之旅皆悅而願出於其路矣志關渡

紅蓮關

在仁風門外張錫穀上黃香巖刺史書竊沔治仁風門外紅蓮關只南北兩沼如夾鏡中亘一道傍道

北為亭其脈勢自七里城隱隱隆隆過紅花隄蜿蜒而來峽東深細青鳥家比於蟹之有螯舟之有艚人身之有項所關非淺鮮也州志載前刺史王浩冲言天啟初署州事檢校許惠一鑿亭前後而斷之設雙橋以通二水當時有言於地脈不便者其後民物果漸彫敝始議撤橋築之以復震方生氣邑貢生張金龍亦陳修補之策遷延不果迄今又百數十年民物彫敝日甚一日州志載乾隆三年貢生魏元履等即其地鼎建一樓宏廠高峻以咽喉一脈之微任木石層累之重

沔陽州志

卷三建置

六

凌壓難勝傷殘有加於是六七十載中科目愈稀識者咸謂門前之盛衰靡定人煙之蕭索可傷遐瞻城邑不堪回首卒之道謀無成空言莫補豈人事因循與成敗通塞之由有默制於冥冥中而莫可如何與抑主持風化挽回形勢之政待其人而後行與欣逢慈父母愛民如子下車以來興利除害次第施行猶復探詢芻蕘某等已錄張李二生先後所陳修補之書呈請鑒裁茲者集眾公議擬乘八月中旬池水涸時撤毀雙橋除磚石掘污泥培以淨土使震宮一綫之脈斷而復續惟是北沼一水未便消洩欲出下關恐河淤難瀉欲出紅花隄又於來脈有虧擬將東門外水溝先為塞填既免暗傷生氣且使東門內來水順循其道趨滙營房前池小東門水竇達於城外之內沼如此則北沼所受僅毗近宅水即於其傍土面淺留細溝俟其漲溢可以浸通南沼庶乎涓滴之流初無損於過峽之脈也為此縷悉繪圖貼說伏乞察順與情履勘地勢刻期舉行從此地脈續而人七里關在七文興沔之民世世頌我公之政如狄公矣

關在漢津橋

上關

下關

俱在城

平政關

在上

荆江口關

在七

襄江口關

城西

范漑關

城西北四十里

通志

侯埠關

東



六十里通志 鷄公洲郡國利病書尖刀嘴之東北抵漢川

作六十九里三年分巡吳僉事詳委沔衛百戶一員 邵州腦郡國利病書

督領哨兵駐守始靖方輿紀要略同 給九真白湖四望一壑點寇潛匿白湖伺商船經由劫掠為

梗萬曆元年分巡余一龍詳允設哨船五隻委沔衛指揮一

員督領沔陽景陵潛江民兵 巡緝江洋稍靖紀要略同 上江北河渡方輿紀要州城東北一里漢津驛前

有江北渡為一州 三江口渡 油榨港渡 上江渡 拖船

之津梁當指此 渡方輿紀要州 小北門渡 劉家渡方輿紀要州北二十里 漕河渡

荆南門渡 窰頭渡 到河渡 南薰渡 小渡船 排湖

李榮口官渡舟一隻 郭賢口 仙鎮 孫江口 蕭家口 沙湖

平坊麥旺嘴 長墻口 下查埠 接陽渡 潘家場 段

家場 郭家渡 中埠頭以上 蓮子口 府場 北口

沔陽州志 卷三 建置 關渡 七

謝家口 新場 土坑口 駝公湖 峭潭嘴 呂公三渡

鍋底灣 大峰口 楊家澤口 新隄西岸以上各處舊設官渡今多廢

新隄大江風浪險惡州牧禹殿鼇詳請設救生船三隻

義渡一在大公隄口邑士李東沼捐設王端卿記古君子或出或處皆有所濟於

世蓋濟世不以其勢以其心也李君東沼慷慨好義凡力所

優為心輒舉之今春以吾鄉大公隄口為往來要津行者未

獲利涉慨然捐囊置義舟僱一人掌之給美田以贍其家復

諳諳告誡杜厥流弊其意良厚而立法至周矣予與君雅故

乃為記以張之其諸 一在彭家場州河口 一在彭家場

君子或亦有樂於此 武聖宮前光緒六年建 一在北方老里榮口 向其珉捐設

舊志云凡市鎮及諸大小河港或官或私皆有津渡以利行

人不能備載方輿紀要拖船埠在州西九十里漢江濱 劉家渡在州北二十里



建置志

壇廟

禮凡有功德於民者則祀之 國朝之制郡縣皆建廟  
壇鉅典宏儀將以達民隱而荷天庥也至於忠孝節義  
正氣凜然各視其靈應而崇奉之雖不盡載祀典而禮  
以義起亦神道設教之意也志壇廟

風雲雷雨山川壇舊在州南郭後頽毀光緒十九年改在南  
紀門外文家台知州俞成慶捐貲知州李翰監修

社稷壇舊在州北漕河後頽毀光緒十九年改在江北里水  
府廟閒壁知州俞成慶捐貲知州李翰監修

沔陽州志 卷三 建置 壇廟

先農壇舊在營坊坑火星堂前光緒十九年改在七里城名  
春亭知州俞成慶捐貲知州李翰監修

龍神祠在元妙觀前後廢光緒三年知州吳耀斗重修  
厲壇在漕河里後楊家院

里社鄉厲壇今廢

水府廟一在城外里許漢津橋一在洋子正院一在呂家口  
濱江一在余家場一在小林里頂字號抵漢陽界

文廟在州街東北 詳學校志

關帝廟在仁風門內中為殿殿前為門後為佛宇基地係生  
員金俊祖業咸豐四年燬於賊十年重修 明同知沈友儒記  
蓋聞世道之升降



綱常是賴而綱常之所寄以維持者亦惟其大法焉。君臣之分有大防焉。順逆之際有大法焉。僭之者賊也。討亂賊以明大法。以立大防。以植綱常。於萬世非忠義之士奚屬哉。漢至昭烈。炎光寢微。劉氏之不絕如綫。而昭烈之進止。惟侯實左右之。當是時。操與權以奸雄之資。圖成鼎足之勢。敢於侵犯。而不顧所忌。以敵焉者。侯也。請婚納問。百計誘侯。侯恪守臣節。毅然以佐昭烈。興復漢室。為已任是。故統莫正於劉氏。侯扶之義。莫重於君臣。侯急之惡。莫大於。權奸侯折之罪。莫甚於僭竊侯討之英風。正氣炳赫於兩。天綱人紀。實於是在。方昭烈之西也。侯仗節鉞。獨鎮江陵。拒。吳魏之衝。侯攻襄郡。降其縣。十數。自許以南。往往遙應。操稱。善兵議。欲遷都。以避其銳。何其雄哉。天少祚漢。侯一軍向宛。洛。一軍出秦川。恢復之勢。成矣。嗚呼。孰謂吳潛師襲侯。侯竟。濟志以沒哉。遂至操奸大統。權裂漢土。而王之昭烈。君臣始。謀不集。乃偏安於蜀。憂勤經畧。終不獲遂。其祀漢配天之心。而千載之下。志士仁人。猶為之悲嗟。憤惜思欲起侯而從之。也。雖然。侯之志。雖不獲究於當時。而人心之忠義。卒因侯而。多所激發。使天下後世。國統之正。知所當扶。君臣之義。知所。當急。權奸之惡。知所當折。僭竊之罪。知所當誅。大分昭而大。防不敢踰。謂侯有功於萬世之綱常。非與彼吳魏之臣各忠。

河陽州志

卷二

建置

祠祀

二

其主亦有濫祠其土者。迄今皆祠亡社。撤邈有聞焉。則統系之邪。正民志之從違。係之勢力。誠不足恃矣。侯河東解人也。荆蜀間多侯所用兵。故河陽廟侯焉。而州人奉祀。惟謹。侯之靈。固有以致然。侯積官至漢前將軍。壽亭侯。後廟額稱王。洪武初。詔仍其舊。侯深於大義者也。正名侯志焉。因書及之。予敬仰侯之忠義。河子謫所也。侯廟近州治。予時得瞻仰。乃為之記。並系以詞。詞曰。侯之來兮。夷猶遭雲中兮。歷九州。覽山河兮。如故。慨宗國兮。悠悠。鄴中兮。江左。彼何人兮。敢汚吾土。叱萬騎兮。徂征。忽返顧兮。千古。侯之去兮。荆之野。紛旌旗兮。來天馬。貌洋洋兮。髯如戟。面如赭。揚漢靈兮。耿無方。奄四海兮。為漢疆。驅厲兮。降。一在東三里七里院。一在東方郭家河。康我民祀兮。不亡。

武朝一捐田四畝作基地一在東方彭家場一在東方牛扒

濱河一在平坊一在西方高家老院一在西方王灣又上關

廟中關廟下關廟俱在寶成鄉范漑關一在曹家嘴市東一

在小沙口乾隆年建一在仙鎮南二總又名雲台山又仙鎮北有



春秋閣一在敵厚岸一名心善堂

文昌閣舊在城東南孫公祠後福星山今廢

禹殿鰲記沔舊有文昌閣由來

久矣康熙丁丑戊寅間前刺史晉公倡修工未竣而過於高  
鏘震風所撼輒復毀圮予承乏牧沔之三載率多士課藝於  
廣長蘭若門前池水淪漪如規如珞可數十畝南有臺既  
聳峙踞孫公祠後可以登眺詢之衲子曰此文昌舊址也信  
步躡其上則斷礎頽礫荒煙淒草求所謂峻嶒傑閣者杳不  
可得憶予少時先大人督課下帷濡首一編嘗欲破萬卷書  
網羅千秋旁按遠紹期他日側身承明著作之庭為文學侍  
從之臣後果謬叨解首國例凡鄉薦領元者一捷南宮即  
授館職讀中秘書竊自謂金馬之門木天之署特意中事耳  
無何屢躡春官乃既然遵例就選荷先帝簡拔發楚北試  
用上憲謬許以能檄司沔牧沔沮澤之區也土磽礧而俗浮  
夸積逋累萬官斯土者受考課之累多淹久於此予蒿目棘  
手若涉春冰幸沐國家鴻庥比歲大有維正之歎額者積  
漸輸將予又為之力請於方伯連帥拜疏入告清釐田賦使  
民有薄歛之樂無冤累之苦將所謂興利除害可次第舉行  
而顧念當年之文昌閣忍令其滅沒終古耶蓋文昌星屬斗

沔陽州志

卷三

建置

祠祀

三

魁閣居沔巽方東南之地脈至此而疑固盤曲青鳥家言謂  
為文筆鋒主文明之象亦與長吏之文治相關不為之鼎新  
建立文治何由而翔洽文風且衰靡安望士類之雲蒸豹變  
拔茅連茹哉於是首捐數十金購材木而樸斲丹雘之紳士  
余之璇等復倡議助修閣成而簷宿古雲窗涵天影上而星  
漢可窺下而淵澄可鑒巍巍稱巨觀焉內供文帝金像莊嚴  
璀璨儼乎明威有赫陟降庭止豈比夫尋常之招提耶予暇  
與僚佐諸君及郡能文之士講說會課傳觴高會於其中以  
此復古制則依然昔日之佳勝也育英才則士子垂天之翼  
於此發軔焉亦差足愜予之素衷也已乃載筆而為之記  
童光諫登文昌閣詩文昌閣傍城阿一帶林巒隔玉河寺  
中厨煙僧磬少風翻荷葉雨聲多雲凝樹杪橫青黛花泛湖  
心燦紫羅共道人從嘉慶十三年移建城內士灣邑人葉  
此勝可能分得鳳池波

會瑤捐資創修並捐香火田壹拾畝零坐城內一在沙鎮

張紹

瀚重建文昌宮記沙鎮為沔東一大都會闡闡相屬商民湊  
處其上下多神堂古刹棟榑高曩要為士俗禮佛之所而於  
祀典風化無關惟文昌上應列星主持文教自天子至士民  
皆得潔慮蠲神以隆祈報而我鎮舊有文昌宮載在州志每



朔望諸老宿率俊秀子弟相與飲射讀法講道論學一時宏  
獎風流固已尸知孝弟人喜敦龐而且名賢輩出科第蟬聯  
與夫東膠西序分米廩而貢成均者代不乏人究無非斯宮  
之建也以啟之也洎道光戊己大水為災滌蕩一空繼此而  
烽火接天瘡痍滿目即欲議修是宮而不可得豈知天啟其  
心人基之謀歲在己巳諸先生方勞神苦思圖所創造即喜  
得昇宇而改新之日文昌宮用承帝祀又曰玉沙書院藉植  
士林非敢以褻神威而擾神靜也思我朝崇儒重道培養  
人材每郡縣立膠庠為新進甄陶之地又置書院為諸生肄  
業之區理學名臣多由是出今沙鎮上接荆襄下濱江漢山  
川秀毓不少讀書子弟惟是地居窪下迭被水災而書院隆  
規無力再建假是宮而分處之夫豈非帝君所鑒原而樂與  
有成也至經費所出則四方商旅與近地居人所議釐頭功  
德也將來崇號舍置縹緗延師儒資膏火胥惟是賴所望自  
天降康豐年穰穰凡意所欲為者無不次第具舉行見廟貌  
巋然院宇煥然士類欣然於以復當年講讀之規繼前賢科  
名之盛下及農工商賈薰而善良者亦所在多有信乎是宮  
之建即為文教所由興初非古刹神堂徒為禮佛者比而沙  
鎮重地洵無媿沔一在仙鎮襄河南舊名雲臺山古寺閔耀  
東一夫都會矣牲記

沔陽州志

卷二

建置

祠祀

四

云山西踞景瑞河廟宇崇閣懸峙河湓磬音梵響擊拊煙濤  
間每天曉宿霧氤氳隔岸望之見雲臺隱隱隆起高凌天漢  
有似蜃樓經辰巳始散後襄河漸移而南景瑞河一在何家  
漸移而東廟遂移建改名五龍山今為文昌閣

場同治十一年庠生張開德王家鳳等公建一在接陽里明  
萬曆時迴龍寺故址也 國朝道光十一年毀於水咸豐十  
一年重修改祀文昌一在彭家場同治閒附貢生向葵等捐  
建一在沙鎮三里址踞河雍正五六年水災圮李之幹捐基  
地廟產二十畝又與李肇瑚各捐四十金同士民捐建一在  
東方新增里鄧家院一在郭家河街尾一在牛扒一在西方  
蓮花院一在南方戴家場一在北方仵樂里鳳皇河口道光  
二十年李一源建水圮源子先甲募同志重修一在啟厚岸



一在長埧口灘外僅存基址

城隍廟在十字街州紳余之璇謝載隆施田五十二畝土名四百弓雍正八年貢生王鐸施高家院田一十二畝三分坐漢廣里郝家院田八畝坐南薰里為供香火之資

名宦祠 詳學校志

鄉賢祠 詳學校志

節孝祠 詳學校志

忠義孝弟祠 詳學校志

馬侯祠在州西北五里祀漢伏波將軍新息侯馬援不知何時建故志廟食已久明洪武三年郡衛增修歲久圯敗正德

沔陽州志 卷二 建置 祠祀 五

閒知州李濂重建嘉靖閒知州王崇文改建城北平政橋東

去州治二里許 梅山碑記按郡志書新息侯之祀繫於社稷

庚戌至今百七十餘年矣祠建不可考故志載歲有旱澇郡

衛咸禱之豈非禮以義起為其能禦災捍患當食報茲土與

初祠去州治五里經兩渡始達且濱江為基形制狹隘齋宿

庖厨皆無所每祭或植風雨江漲禱者艱焉正德丙子丁丑

之歲郡大水祠圯請主就城隍廟是歲冬前郡守嵩渚李公

修葺之至是又垂三十年嘉靖辛丑郡大夫敬齋王公來守

敝邑下車展謁見侯祠傾圯思遷之越明年春江漢二堤及

漢津橋中埂以次告城大夫乃以遷祠事疏於當道遂卜城

北平政橋之東去州二里許高明爽塏且近大道足以妥神

便從事也祠之制中為堂四楹廣三丈五尺深如廣之半中

塑侯像冠履袍笏皆從漢制堂之東西各為廓四楹顏其東

曰齋宿西曰神厨其前曰露臺臺前為神道又其前為神門

為牌坊額曰伏波祠其後剖其東之半為門房歲編門子一

人居之以司啟閉灑掃西之半為宰牲所始癸卯春正月九

日越月祠成適當春祭羣僚及庠師生與執事之人咸在僉

曰為政莫要於禮致禮莫大於祭祭也者禮也禮也者尊敬



之道也今大夫於侯崇祠嚴像擇地以妥之所以示民有尊也振古報功齋戒以臨之所以示民有敬也知尊敬故民弗亂民弗亂故政事立神人之責盡矣歛葬而受禧豈偶然哉又明年修城隍廟因敝也改社稷壇因僻穢也皆大夫之蹟也是歲冬大夫以陞遷將去沔入粵岸彥馬光遠危譽秦文明劉復輩緝其狀以次其先後因以紀歲月云大夫八桂人領嘉靖甲午鄉薦名崇文同知沈友儒建平政廳於後多所字君重敬齋其別號也

題詠 國朝乾隆三年州紳謝載隆捐修旁附邑紳謝世則

祠 禹殿鰲記予自牧沔以來於沔之名蹟勝概湮廢者興之璧樓梁公問政亭皆已訖上獨新息侯諸葛武侯祠尚未遑也考新息侯之祠自明初創設迄今三百餘年臨於祀典歲有時享夫侯之功在嶠南未必獨靈於沔然聞昔歲時旱澇有禱輒應則侯之精爽能綱維灑濯於沔有明徵矣乃廟日以圯郡人皆弗過問獨謝氏濟南保定兩司馬毅然出材力修之前為侯祠後建精舍左翼以小祠供其尊甫水部諱世則字子言之木主已未歲仲冬工成余以紳士并里人請主附享因詢建設祠堂之由而濟南司馬告余曰受與隆之

沔陽州志 卷三 建置 祠祀 六

新侯祠也蓋有說焉昔明末有僧三緣者棲止侯廟戒德瑩淨行頭陀行先王父雅重之有年矣忽一日三緣至舍徑入內王父呼之不應急起踪跡之杳然不見而內已兒聲墮地王父心驚異令探三緣已歸寂是知先大人為三緣再世也故其幼而頭角鬢鬢及就傅穎異天成由此擢上第官司空享耆壽蓋夙因不可泯矣大人子侯祠也未嘗不徘徊繼繼嘗欲新之而卒以鞅掌王事未果今受兄弟之為此亦體大人未竟之志相慰於冥漠已爾予聞之矍然曰有是哉房次律之為永禪陳堯咨之為南菴曾魯公之為青草堂蘇玉局之為五祖戒僧三生精魂固如是哉夫水源木本之念疇則無之今兩君追本先人之宿世而酬其寤寐難言之隱其不匱之孝思可謂視無形而聽無聲矣非其至性之篤摯纏綿有大過人者何以能此故從眾請而以水部附享況水部之名德足以左右侯之精英昭回於不做者乎是安可以弗記

諸葛武侯祠向在西門外隄旁

狄梁公祠在仁風門外崇禎十一年燬於火

二程子祠在城內賈家池咸豐四年燬於賊同治季年奉祀



二十九世孫程烈光徙江北里唐家口河北

李公祠祀荆西道佺臺在仙桃鎮許一中有記

鍾公祠祀知州順在滄浪村久廢

孫公祠祀知州衍在仁風塔南明崇禎十二年建並祀林濟

張引宜袁福徵額曰雲間四公祠十六年賊變三公神主遺

失遂止祀孫公有舊碑五載祠宇基址田地錢穀並載圖形

國朝雍正十二年清丈福官院祠田四百八十一畝八分

七釐五毫土各彭家腦太古院田八畝二分三釐後續置二

百餘畝共計香火田七百七十七畝七分六釐光緒六年住

持僧開法稟照祠內舊碑章程免派差徭經知州鍾廷瑞批

河陽州志卷二 建置 祠祀 七

准立石 明張居正題孫公遺愛祠山拔天門峻湖連漢水瀾

自公驅五馬銜命總嘉師村袖憂忘屋幽梵詢寡嫠野荒開

沃壤通豁起瘡痍政以催科拙才緣盤錯知潛沱疏惠澤巖

谷被恩私績奏吳公最人懷杜母慈來沾甘雨潤去望德星

移廟貌存遺像豐碑表去思有靈歆俎豆無地返旌旗菜竹

含新籜甘棠老故枝高風長邈矣懷古獨淒其駿發光逾遠

鴻麻歎未衰生申鍾嶽秀夢說起巖居廊廟瞻風雅雲霄振

羽儀衣冠誇奕世聲藉冠當時運偶龍興日恩須鳳詔馳榮

名兼世美千載仰芳規 明張治碑記余每讀孫延平哀慕

錄未嘗不廢書流涕悲其人勤民以死也及今合河陽事觀

之則君子之道其感於天人者深矣孫公諱衍字世延別號

雪岑松江華亭人成化戊戌第進士除知河陽河陽居江漢

下游夏秋水漲渺然成巨浸民處沮洳中湖澤之利溘漫不

可稽察黠胥豪商相為隱沒業民捐瘠轉徙而浮居藉魚鰕

羣荻自爨食也公下車革暴振弱敷和惠生一之月簡訪鄉

籍二之月完聚瘡痍期月而病者起亡者歸修隄防之利勤

耕鋤之業然後民皆知農而食焉虞而材焉工而成焉商而

通焉貪者禁不能取吏弗為奸四民輯然咸安宇下帝賦有

程期勾檢奇羨以待貧乏不能輸者自是民歡戴慈母嚴父



召杜不之過也政餘則集郡校之賢子弟親課其業一夕屏  
騶馭入學舍察諸生勤惰見燭籠焉問之曰陳學官出巡號  
耳公翌晨昇膏油二百觔來助燈火費曰師生能勤勵若此  
是舉吾職也六年遷南京刑部員外郎去之日老黎垂泣以  
送公亦為之感動賦二詩道忠信焉正德中有司奉公神入  
祀名宦而民思公者久益不置乃謀更祀公嘉靖壬寅監司  
池陽柯君嘗即城東故臺結亭以眺民因請以其隙地創公  
祠柯君曰是民之義而吏之表也其誰敢後之乃命知州王  
君崇文即臺構堂三楹翼以兩序前為儀門又前為大門題  
之曰遺愛民老幼咸忻忻然走集其下供俎豆也祠成公仲  
子少宗伯毅齋適奉上命告事顯陵取道於河遂即新祠展  
謁焉河之父老若搢紳士咸趨而觀曰是嘗從孫公官吾河  
者也仁人有後豈不信然哉崇文乃以童庶子狀驛使都下  
旬余記其事余惟祠者思也思其人而祠焉者也昔聞公之  
守延平也以禱雨走暑中得寒疾以死延平之民哀而祠之  
夫河之去延平遠數千里而成化至今垂六十載民之思公  
者無聞於遠近今昔若謀而同焉此豈有政令徵發期會哉  
恩信之所通人各由其誠以趨所慕欲如水之於下不召而  
自來豈非感應所符而自然之驗耶故曰君子之道其感人  
者深矣余故為之記俾刻石祠下使後之思者或觀而興焉

泗陽州志

卷三

建置

祠祀

詞曰維河之陽兮為公所理維河之民兮思公不已瞻彼新  
祠兮老少咸喜歲時報祭兮俎豆牲醴彼時者山流者水維  
公之神其戾止慰我民心兮宜百世祀明童承敘奉贈大  
宗伯毅齋孫公便道展謁先祠還朝序事之相遇出於殊絕  
奇偉恆情之所駭歎而蓋羨未必其機之偶逢亦其誠之素  
積也蓋人心乎契神理感通有不可誣者也成化中華亭孫  
翁以進士高第來守吾河凡若干年晉擢南曹出知延平府  
以歿翁才學宏贍器量恢偉官方吏事無不精練百度咸肅  
諸廢具舉強禦歛迹而善良安輯郡之老黎戴翁父母士大  
夫談賢守指必為之先屈蓋僉議之同也敘草郡乘亦推翁  
為良牧首正德初間翁入祀名宦頃聞延平之士實建翁祠  
河之人曰吾其可後乎乃即城東隅故臺構堂為專祠示不  
忘也初翁仲子毅齋公少侍於河先大夫亦方弱冠為太守  
公賞識比先公擢第猶及拜翁每屬言仲子以爲克大其  
家毅齋公登辛未甲科歿憲翰苑簡置青官侍天子講讀晉  
貳禮卿為上所眷遇平生以太守公之故不能忘情於河而  
河之人士亦於宗伯瞻望焉蓋三十餘年於茲矣今年秋上  
有事顯陵遣公代告於二聖河為興都屬郡相距甚邇公乃  
以祠成之後取道展謁神位時堂適告成郡人歎異罔不走  
迓充途塞路如見其先公而公亦降尊屈重視河如歸十二



月謁告新祠延見縉紳吏民勞問慰藉如禮敘不類濫跡詞  
林從公後二十餘年辱公愛最久會賜告歸掃墓日觀盛美  
迺作而言曰惟太守公遺澤在人久而起慕崇報之典益專  
而摯維宗伯公託處深嚴簡注宥密四方之人不能一望丰  
采今乃奉使節撤講席即故郡續舊遊舉惟露冕光動澤國  
陳牲酌醪釐延郡人亦奇會矣且新祠初落舊主既升而公  
適自遠至若夙期然者其會又奇謂非誠之素孚理之相感  
不可也昔萬石君父子尊寵然位不過二千石亦未嘗復至  
故郡邵廖齋再至永州自謂甘棠子孫而未有都爵至於專  
祠特饗概未之聞公今以名鄉鉅儒清階華胄旌旄再臨山  
增而高水增而深則所謂奇會者匪直公之幸蓋河人之幸  
也矧明天子制隆元寢事嚴祇告公以寅清之職齋明之念  
致孝親之誠於數千里之外又復對揚孝思追崇先祠克篤  
前烈風示後來所以為江漢望甚大又豈機會之殊絕奇偉  
而已且太守公為民之德在二郡宗伯公為上之德在四方  
又將為霖雨為舟楫世業未究實引而昌之則勳績隆茂不  
必出於太守公而愛戴欣慕謂四方之不若二郡者未嘗信  
也在周君牙之命必及乃祖乃父鄭武公父子為周司徒鄭  
人為賦緇衣穆王之誥公且有後命矣而太守公宗伯之封  
擬之武公父子一也敘不佞敢敬述之以附適館授餐之義

河陽州志

卷三

建置

祠祀

九

王公祠祀知州庭楨在文昌閣右

旗纛廟在衛後今祀衛守備王芳

八公祠祀知州孫衍徐咸徐待任王浩冲黃學勤晉顯卿禹

殿鼇紀口口八公祠久圯見在城隍廟設位合祭

徐公祠祀知州待任在仁風門外有殷湖院香火田二十二

畝舊為茅舍後住持僧行綸易以瓦

應公祠祀知州汝稼在仁風門外燬於火

郭公祠祀知州僑在仁風門外燬於火

章公祠祀知州曠一在仁風門外有藏書閣一在沙鎮今廢

戚天植祠記昔先王之制祭祀也法施於民以死勤事則祀  
之能禦大災捍大患則祀之沙鎮舊有章公祠祀明知州章



公峩山以明州同馬公雪如配家丁石秀馬旺從嘉慶辛酉先君子偕田龔兩先生倡首復修請增祀 國朝知州禹公謙齋祠凡三進中供章公主左馬公右增禹公從祀及石馬二君仍舊額曰章公祠云謹按章公於崇禎十一年刺沔時寇亂猖獗征徭繁苦羽檄交馳公築城濬河蒐練團兵招募義勇備儲米穀器藥為守禦計癸未正月流賊充斥窺沔公與馬州同日夜修戰守備三月四日闖賊率大隊數萬攻城乞師於總兵漸次恢復沔境京潛諸州縣未幾左良王兵變公與楚撫何公騰蛟募兵長沙連克捷累陞至右僉都御史兵部右侍郎後卒於永州順治十五年公喪過州州人不遠百里持香赴奠立有生祠一在州城仁風門外一即沙鎮此章大夫之功德宜祀也馬公以崇禎壬午任沔州同次年正月闖賊破承天公與章公誓守奸民張偽檄者斬之三馬奮呼家丁數人背合與賊戰矢盡力竭不屈死家丁石秀馬旺不忍去從死之賊退州人得公屍於城東門外蓮花池旁掀髯拊手若含笑者二家丁屍亦在焉事聞贈馬公漢陽府太守追封家丁百戶康熙乙巳其子元愷啓殯易柩顏色如生此馬公之功德宜祀也禹公以雍正十年牧沔沔最疲

沔陽州志

卷三

建置

祠祀

十

劇地卑溼荒遠難治一歲或數罷官諸吏憚之公甫下車首察隳官累民田賦淤塌有無虛實之故遂約紳士誓於神而以清丈條款請達部議允協發四十餘員丈出田實溢一萬一千餘頃均稅仍足原額五萬一千餘兩之數三年考厥成別其高下肥瘠分為五則相其中外分為五鄉百里著於冊又慮事久更章聲明沔陽地處低窪一遇水漲沈淤靡常嗣後淤沈許隨時詳報陞除抵補足額均荷上游入奏允行並採載所輯州志垂示將來楚蒲張白菡敘公墓誌稱公大有造於沔蓋指清丈均稅故也田賦定議築江隄開蓄水道倡修文廟書院課諸生於文昌閣立義塚於沙湖鎮廢弛日舉去之日民皆刻石記功作金碧塑像以留之乾隆七年大吏題陞施南司馬未行即奉 特詔擢黃州府太守先是州人立公生祠於東門外蓮花池旁甚美麗春秋祀之又數往問獻於黃越三年公病革始辭政又明年正月卒黃人墜淚勒碑赤壁山復請有司崇祀名宦祠並奉其主世祀河東書院沔人皆奔黃治喪二月柩還沔水長子壽丙辰舉人三子疇增廣生此禹大夫之功德宜祀也若夫禮賢作士梳奸剔弊鋤桀黠蘇無辜三大夫之所同者誠為法施而勤事禦災而捍患矣彼石馬二君仗節死義何可湮沒不祀耶祠之始建補葺重修前碑刻之已悉茲復節錄梗概敬泐貞石俾後之



覽者得詳知云 〇〇〇記牧伯章公者松江華亭人也崇禎戊寅冬知沔州事後歿於湖南之永州忠勤夙著所至勲業爛然吾嘗稽之往古國之興也必有股肱之佐國之衰也亦必有經緯之才公在明季諸臣中以文臣任武事力所能及勞怨不避其牧吾沔也下車卽隆學校禁賭博免重役捐賑濟有豪惡害民則盡法勿赦大盜劫掠則定計剿除至於築隄陞以修水利施義塚以瘞枯骨纍纍善政難以縷述公嘗自言吾無他長惟愛民一念而已嗚呼此非昔聖人所言仁者之所爲乎公旣去任歿邑民思公德政相與立祠以歲時祀之崇德報功出於人心之所甚願而非勉强矯飾所能爲也今歲月旣久風雨毀壞遺像傾剝起前人於今日當必有唏噓悼歎者此鄉先生所以願爲振興而冀同人贊襄者也嗟乎公之去今百餘年矣余雖不及見公竊聞父老言吾祖居豫章遷蘇州公以鄰郡兼戚誼任沔時抵沙鎮必詣吾家與吾曾叔祖孔亮公盤桓公篤友誼錫以額曰景星樓余不敢忘繼乃得讀公文雄壯俊偉誦公詩懍懍英風益以此愛公慕公而思公仁至義盡其遺愛爲無窮也况更得瞻拜遺像識其面目也哉後之君子與余同志常葺而新之則斯祠爲不朽矣

沔陽州志

卷三

建置

祠祀

十一

王公祠祀知州學璋在城隍廟左

禹公祠祀知州殿鼇在仁風門外

昭忠祠咸豐 年知州梁照建在三寶街祀衛守備王芳州

判高術芳沙湖司巡檢吳秉忠張汝止以下陣亡 千 百

十人殉難男婦 百 十人遇害男婦 百 十人

忠烈祠在仙桃鎮集誠書院右祀咸豐間本鎮死難紳民

附寺觀

魁星樓一在學門東有知州郭僑碑記後署任許惠一移東

門外蓮池湛虛亭上未幾仍移故處年久圯廢詳故志 國朝

嘉慶十三年邑人葉會瑤創建在仁和門城上同治元年圯



邑紳周揆源等移建城外孫公祠後福星山一在沙湖圓通

寺前劉彬重修圓通寺暨魁文閣碑記河之東有沙鎮鎮東

則水府廟右則百子閣劈分兩水砥柱中流蓋巍然河東一

大觀也寺之始建不知何代相傳明萬曆辛卯曾重葺之檢

舊梁則署萬曆壬寅重修後于牆基得古磚一刻嘉靖壬戌

則王戌其始建之年耶不可得而知也始予少時經茲寺見

顏垣廢址與諸紳士言宜修復之以存勝概俱相顧有難色

為太息者久之及乾隆庚戌寺僧廣益慨然募化始構祠宇

樓神因前隙地作小魁閣迨嘉慶己未秋田君鴻緒之子少

南益矢志糾首於是好善之士共量輸得數千金監修董治

者十餘人先建佛殿一座東西書房各一中建魁文閣高五

丈餘左右百子堂龍王廟皆以次規復始庚申三月迄壬戌

十月告竣適與嘉靖壬戌之年相符豈非天欲復興斯寺人

心默受馳使而不覺耶抑吾更有異者圓通寺自古無魁星

閣也乾隆庚戌始建小閣未恢宏也茲則聳然特立煥然維

新而近來聖天子尊崇文昌飭府州縣皆建祠廟春

秋祭祀禮同武聖又適在沙鎮魁閣落成之歲非天之佑啟

人心孰能預知朝廷之尊崇而早為之創建也哉昔鎮北

有紅土院復挽於庚戌今鎮東有圓通寺與魁星閣復修於

庚戌衣食足禮樂興雖堯舜三代之盛不是過矣生斯地者

宜何如自愛耶敬書于右匪惟誌其廢興抑所以動人觀省

泗陽州志

卷三 建置 寺觀

既竣來請予誌之以繼前觀以勵後人夫天子命刺史於  
下非徒息催科勤撫字已也蓋將修庠序敦詩書俾斯人孝  
弟力田相與睦鄰任郵以廣教化而美風俗至其山水蟠結  
之處或構椽而亭或崇墉而寺創於前修于後凡有關於風  
俗教化者刺史又皆樂為而弗之禁且斗魁戴匡六星曰文  
昌宮魁下六星曰三台司命司祿屬焉所以扶教化培風俗  
也自天子以至四民皆得祀祀而不潔其庭義其宮何以妥  
神靈而庇風雨然則斯閣之成刺史將以觀教化之廣與風  
俗之美也是豈非予所津津樂道者與抑余有勸焉有戒焉  
是閣也居河中流離市廛遠囂塵鄉先生值朔望之辰相與  
談道論學於其中必有光明端慤之士相繼而起庶可為  
朝廷棟梁之需豈但博科名已哉不然或任羣不逞之徒隳  
飲縱博以至父子兄弟人倫之道日壞則非刺史所樂聞也  
故并論之願與吾士民共體斯意也 劉楷章記沙鎮舊有



魁星閣廢圯已久嘉慶五年士民釀資新之州守葉公爲之誌憶余少從先君子到鎮闔閭之中廣厦高樓波委雲屬入市者肩相摩踵相接也每天中節後祈神演劇邑人士之麈集四方羈旅之經過商船買帆之停泊莫不倚裳連襪於是閣乎其旁隙地則承平日久大有屢書醫卜星命之徒張幕閣下而何其盛也迨道光辛卯閣墮於水多歷年所蕩爲邱墟今呼何其在鎮諸君子以累日所積之金高其遺址命匠氏鼎建而重修焉夫閣之建也其義有二以振士風則借天文以耀人文而雲蒸霞蔚之才起以成農務則控江水以禦漢水而懷山襄陵之患平意固閑且深也豈侈游觀已哉雖然自粵匪之滋擾也土匪所在蠱聚常曠數百里無人煙而沙鎮及鎮屬廬居亦數被殘燬喘息未定風鶴頻驚求一椽之庇一枝之棲以偷安旦夕且不可得何有於閣之重建乃諸子於收拾破敗之餘烽燧尙未盡淨波濤尙未盡息而已勃勃焉成茲盛舉復我舊觀因以想人心之奮興與天心之樂育相爲感召斯閣之成行見三時不害民和平豐士登於朝農慶於野昔之由盛而衰者今且轉衰爲盛安知邑人士之麈集四方羈旅之經過與夫商船買帆之停泊不又倚裳連襪相與徘徊閣上臨風把酒如疇曩時乎予老矣猶將於春秋佳

泗陽州志

卷二

建置

寺觀

三

日擎一葉扁舟艤棹閣麓偕諸君子攜展而登憑欄而眺而少時之景象仍與目謀也豈不快哉吳道垣登魁星閣詩憶昔登樓許共攜倚裳撫袂與雲齊長虹瀉影臨風立遠水涵空覺岸低舊雨難尋沙鷺約畫橋久負曉鶯唬祇今傑閣憑欄望秋草斜陽滿故隄吳道坦詩高處從來易惹愁今年更覺怯登樓偶逢風雨重陽節一覽蒼茫水國秋傑閣直撐飛鳥外驚濤長撼古磯頭平生愧說迴瀾手無計東南掠倒流題筆爭將姓字留眼中饑溺盡關憂竭來幾點憑高淚灑向三層近水樓蒨屋捲殘千尺浪西風吹老

報恩寺在城內東隅明洪武閒建以僧義參守之後殿臺基

高與城垣等山門內有池兩翼中爲鑿心亭中爲觀音閣彌

勒殿嘉靖時重修故志陳柏有記佚傳頤碑記泗陽在江

可縱登陟而騁眺望獨報恩寺據州治東南臺突然隆起與

城埒廣二尋袤僅廣之半臺上舊有寺元末兵燬我國朝洪

武戊辰創建茲宇賜今名設僧正司置僧正一員領之成化

戊戌僧正行昕重建殿曰大雄高七尺殿之前爲觀音閣平



地不及殿二丈臺左右為僧寮門前曳數武即為大門嘉靖  
癸卯僧道潤慨寺地之淺隘與殿臺之傾圮有開拓改作之  
志會荆西設守巡而青陽雙華柯公喬適奉勅以僉憲開府  
是郡道潤請於公於寺址前展地十餘丈以舊門為天王殿  
殿前分鑿兩池中螯砌為橋橋上建鑿心亭又前為山門深  
邃幽奧望之若化城仙島道潤復捐資於閣前之右偏隙地  
建僧正司方丈皆南向禪室旅館匏革鐘磬靡不畢具迄己  
未而工完殿閣廊廡煥然改觀乃函狀京師乞余記其事余  
時貳刑曹旁午無暇辛酉得請歸漢津道潤復申前請余灌  
園雖暇而習懶成性慵於筆硯去年閣又頽道潤請以閣記屬  
之今夏苦熱余偕表兄陳憲副登閣避暑道潤請以閣記屬  
表兄仍以先記屬余乃呼其徒眾而告之曰爾知聖朝之所  
以建立斯寺與檀越所以奉佛之意乎夫殿閣之費不下數  
千金環寺之內費亦稱是即使奉徵發督以官府繩以鞭朴  
不數月而材木積山粟穀盈庭甃石盈壑工匠塞門婦人女  
子各出所有施捨恐後傭人無錐地石儲趨走供役不敢受  
而足何也蓋恍於輪迴果報之說凡以求福田利益已耳聖  
上知民意所向故假以設教取東都以來利根上智能持戒  
說法者祀為師祖隆其宇使望者作肅異其像使瞻者起敬

河陽州志

卷二

建置

寺觀

古

禁殺戮之所不能禁化刑罰之所不能化相勸以善緣同躋  
於壽域百姓囿於其中亦油油而不自知其共歸慈孝之極  
以成熙皞之治是聖主亦凡以為民也爾眾不耕而食不織  
而衣不儻屋而安居不他營而有餘資試觀四民中誰復有  
若爾眾者耶爾眾願不能濟人而獨先受人之濟其何以報  
身且可捨今爾眾願不能濟人而獨先受人之濟其何以報  
稱而俾無歉也哉無亦思爾師之教與爾眾之所當事者乎  
夫見性成佛爾師之教也由漸入頓爾師之所當有事也夙  
夜惕勵澡濯色身釋法寶之旨以希達摩之業俾人人自求  
多福則爾眾可以八七佛而七六祖人且將崇奉之固有國  
者之所賴也享此亦奚以為他若五蘊未空六根未淨徒曰  
能禮誦焚修猶為爾教之枝葉耳徒眾悔謝作禮而退遂樂  
為之記以觀音閣原名萬壽閣費昌碑  
國朝康熙間邑人  
貢生張金龍易閣為殿有記  
歲久蟻蝕幾致摧圮乾隆間州  
紳余之璇捐修殿上寶頂斑駁如古鼎彝閣傍為僧正司舍  
廟基十畝零六分五釐一毫大朱院香火田四十六畝載僧



法蓮七里院田塔院田二畝三分六釐八毫載僧定疇余之

記報思禪林建自勝國之初蓋非僅釋氏之宮實河之文風地氣於此而凝結盤迴以流衍於無窮者也麻三百餘禩之入中更赤眉銅馬之變歸然至今可任其頽圯不為之修繕乎憶余少時讀書僧舍登崇臺俯闔閭望河之地勢自東南蜿蜓而來者蒼蔚潏澗如龍之夭矯躩踞而矯首以瞰有謂發源於黃蓬山之支分者理或然與郭以外池光隱見河流映帶煙林古寺霧擁嵐霏郭以內平疇繡壤綺紛鱗萃皆陳之几席之下暇則仰瞻殿閣鈴語風高環垂地迥徘徊登眺輒詠少陵陰壑生靈籟月林散清影天闕象緯逼雲卧衣裳冷之句見其荒涼岑寂已隱然抱修寺之志矣年華荏苒余以履躓棘闈遂遵例選授剖符於亳亳地衝民悍夙稱難治予雖勞勩終無補於民生以雍正戊申解組旋蒙開復偕仲叔二子之長安二子先後俱官畿輔余乃別都門歸田里尋猿鶴之盟偕友過寺則頽敗傾圯較前奚啻倍之山鬼羣嘯鯁鯁迅竄陰風慘慄蓬藿叢穰俯仰四顧淒然有龍象之泣乃竭綿力新其後殿窗闔牆垣丹碧黝聖樓神之所金彩嚴麗非敢侈言福田或稍愜疇昔之隱願由此而文風盛則士類雲蒸蕊宮之榜聯翩接武地氣厚則年穀順成民物熙

沔陽州志卷三建置

寺觀

五

攘太平之端可觀非予所大願也哉而以是妥諸佛寂光之靈復以輝河之觀瞻亦用是而大愉快也已 光緒二年僧脫凡募化重修

水府廟在上江北里漢津橋北創代無考有明萬厯天啟間

重建兩碑記剝蝕不甚辨 國朝乾隆辛酉己丑兩次重修

碑一謝載受撰一李廷貴撰亦剝蝕不全道光八年廣東潮

州總兵孫應奉鼎建藏經閣於殿後高麗宏敞目可窮百里

移陳文燭舊貯藏經之在最上寺閒者貯之以鎮地脈開講

堂為邑中叢林最咸豐四年賊燬僅存廚舍六年僧妙光募

修前殿向口口捐江北里香火田十畝零

護國寺在邵家河



青林社在東南城垣上卽報恩寺後相傳爲陳友諒故宮層樓高矗四望無際 國朝咸豐閒士人就椽宇修葺建立詩社樓上供朱衣神又名朱衣樓光緒十二年風雨摧圮元妙觀在南門內舊志云卽陳友諒故居明太祖乙巳元至正二十五年指揮沈友仁改爲觀以歐陽升泰主之有費尙伊碑記山門內爲寥陽殿後爲玉虛閣閣左爲斗姥閣康熙二十一年全真道人許清蘭募建又左爲三元閣右爲雷神殿傍爲道正司舍康熙四十七年余之璇修雍正元年之璇復修玉虛閣乾隆三年道人夏典訓重修玉虛閣觀內滌塵井久閉雍正十年余應詔開咸豐四年觀燬於賊惟閣及房舍數間

河陽州志

卷三

建置

寺觀

夫

僅存光緒七年道人募修救苦殿觀有香火田廿畝在黃院

金院施家塌

明知州徐咸元妙觀壇祀齋宿詩柳眼春風釀小寒齋居夜坐怯衣單至誠有感神應格公務

都消心自寬鏡裡流年雙老鬢海東歸夢一漁竿娟娟惟有仙壇月照見心中一寸丹知州李濂元妙觀中秋翫月詩晴

麗中秋今古稀石壘月色迥光輝乍生丹閣浮煙細徐轉仙廊清漏微狂客泛楂叢桂落道人吹笛白鸞飛霓裳坐聽雲

中曲爛醉碧桃忘夜歸童承敘遊元妙觀詩閒攜權友上春城忽到瑤壇聽玉笙門外緣蘿人跡少一林斜日正啼鶯

聚奎社在東門內初爲茅舍供佛州紳秦士顯沙漢疑方宏

履謝道昇諸人公募倡修額今名

天符廟一在東門內關廟左 國朝康熙閒士民公議改廢

祠爲廟乾隆四年國學生黃學良學忠捐修後樓基地俱庠

生金俊祖業一在嶽廟左明知州章曠建康熙十一年修知



州王浩沖立石記之今並廢一在藥王廟右同治間建

白衣菴一在儒學後鎮巽方水口菴廢學宮遂有蟻患遺址

猶存一在東方馬口一在仙鎮河東岸一在昌蒙口七總堤

內一在馬家灣方志名大士菴康熙間邑紳方宏履施洋圻蔡院香

火田四十畝一釐三毫冊載僧建文一在仙鎮村方志作觀音寺

一在北方陽一里新豐院康熙間建

最上寺在仁風門外釋照宗募請大藏貯後閣今廢

福星山在孫公祠左後有四元閣方宏履募修疏蓋聞天地神祇皆有陰騭下民之功

赫赫明明彰善瘴惡呼之則應顛之則靈者惟四元帝君為顯樂香火駢闐禳禱紛綸婦孺矇眛靡不鞠躬搏頰祝嘏祈

年消疹厲而迓祿壽者亦惟四元帝君為最親最盛四元中火之於民為尤切古者司烜氏修火禁司燿掌行火之政令

沔陽州志卷二一建置寺觀七

以救時疾季春出火季秋納火聖人因為節宣其間是以氣

不愆伏民無疵癘此其權赤皇炎帝實司之則三元宜奉而

火帝其尤宜奉者也沔城東南青駕白馬之刹鬱鬱相望而

隱林之址有傑閣峻嶒轟起者為福星山之四元閣歷有年

矣不惟諸檀越願力福力之所鍾亦吾沔地勢脈絡靈秀之

氣之所滌洄蜿蜒至此而凝翕者也任持杲輪者孔昭禪師

之法嗣也孔昭為臨濟兒孫宗眼圓明戒德精粹上人能繼

其芳躅而輝煌之刺史王公馭民以寬和散大之政一意嚶

咻而且銅爵鳴銜魚出比歲皆慶豐穰公於是修舉廢墜凡

祠廟橋梁之不葺者率割冰俸繕之今四元閣為沔地巔序

龍脈歲久傾圮牆垣且有剝泐之虞沔年來鬱攸時作得非

此閣之日就於頽三元火帝之弗禦災而捍患耶上人急謀

所以新之而徵言於余余謂年之順成氣序之調叶庶物之

蕃阜閭井之豐亨樂利雖由人事感召苟非神力安能降康

今四元帝君既已為哲愚崇卑所奉祀倘任其震撼傾塌而

不亟為之所將日淪於灌莽瓦礫之場福田之謂何且吾沔

近歲旱潦以時頗云有秋凡飭餼材木匠石廩稍之需皆賴

諸檀越之喜捨豈無心發而力即副之者乎與其傾身障麓

而積之朽蠹何如植良因以崇美報之為愈也况新帝之閣

者即以厚地之基祝融之災自此而弭人文之秀自此而萃



則閣之亟宜新也罄無不宜非僅介哉穀於冥漠已也上以  
襄慈父母之雅化下以愜都人士之觀瞻受茲祉福又可操  
券而得矣予敢以不腆之詞為世之須達長者告焉

廣長社在小東門外明天啓六年三昧律師建十六年為流

寇所燬國初重建康熙六十年廩生王增捐修未竣有園

地六畝半在社前半在上關明費尚伊記嘗讀高僧傳遠公

物為轉輸六祖至曹溪以袈裟乞地至延廣數百畝人不天

澤國地最污下向無精藍名刹報恩一寺年久荒廢僧寮佛

舍不蔽風雨每過其地為憮然久之晚近以來人知奉佛善

人居士庵廬相望余有地一區在東城外由東迄南可數百

武而近亦欲建一室以奉大士里中諸人感異夢乞為公院

遂異焉適昧公自廬山來訪余於漢上大眾遮留登壇設障

為講梵剛諸經既竣事偕遊其地顧而悅之低徊不能去謂

余此大地也而奈何小用之乃除榛莽翦蓬藿灼龜審墨闢

叢林師自出橐中裝可數百金鳩材庇工於是宰官文學居

河陽州志

卷二

建置

寺觀

六

士比丘及諸檀越聞師德音皆歡喜讚歎各劑量所有以佐  
資用首事佛閣以奉毘盧翼以文殊普賢居大士其下九品  
蓮臺在焉次大雄寶殿中列釋迦左藥師右彌陀承以寶座  
雕縷刻畫備極工巧其旁刻十八羅漢像貌精好次韋馱殿  
範銅為像望之懍懍有生氣又次伽藍殿天王殿前為山門  
旁為鐘樓鼓榭僧房客寮庖湍莞庫畢具而總署其門口廣  
長律院工始天啓六年十月訖崇禎二年四月計費七千餘  
金丹聖雜施金碧互映雖化人之居無以過也既落成師請  
記事余惟治田者有耕有穫治室者有堂有構故創者勞而  
守者不易非獨家戶為然師精力強固心計有餘所至築壇  
場治垣屋往飛錫衡山焚林刻木選石疏泉為蘭若若干行  
脚者多庇焉其在廬山就遠公遺址新之雲林煥發竹樹葱  
蒨池中白蓮忽開千餘朵含英吐豔符蓮開再來之記會有  
詔賜師紫衣尊為國師固非久於此者自是梵修禮誦六時  
供奉勤密證以宏淨業則責諸宰官文學仰視棟俯臨筵几蠹  
引於前或翼於後則責諸檀越方社之建也憲司林公嘉與  
者必更黯者必飾則責諸檀越方社之建也憲司林公嘉與  
謀始迄今司理許公來經營相度三致意焉厥後總憲劉公  
郡大夫黃公郡佐薛公繆公宋公暨郡博士梅公曹公張公  
相繼至崇奉有加故郡人觀感興起皆知回向持齋誦經而



稱佛弟子者十家而九也夫不假一號令條教不設一桁楊  
枉桎而能使人回心易慮遷善遠過其於繼風表俗豈小補  
哉則是役也延慧日之光永慈雲之庇於執憲而守法者不  
無厚望此又昧公與吾黨所願禱祀而求者也 國朝方宏  
履代高廷毓募修疏余自蒞沔以來於拊循斯民之外凡琳  
宮梵宇壇廟祀典載在志乘者輒慨然思繕葺而恢廓之匪  
曰希心福利蓋將以壯郡國之勝觀萃川原之靈奧而使此  
邦之協氣休徵磅礴蕃衍於無既也若沔之廣長社者尤一  
郡之地脈所蟠結而凝翕者募修豈可緩哉社為明末干華  
嚴毘尼為啟禎兩朝國師說法遍天下所至王臣居士緇白  
皈依者川湧雲輸至於鬼神靈異難以殫述明福王之乙酉  
師乃戒眾曰吾今日將為完人以報國恩生平以金剛光明  
戒力入體性虛空三昧矣言已沐浴跏趺而逝當盛暑香氣  
芬郁噫師之道德格乎幽顯戒行皎於冰霜非佛門之真人  
也化去垂八十載而綱維整肅至今赫然稱盛楚中則潛之  
法雲沔之廣長皆師駐錫開堂所創始者社建於天啟丙寅  
癸未燬於流寇 本朝有廓門上人師法孫也倡募重修社  
址踞城東南與城內報恩禪院隔雉堞內外鼎峙森竦宏麗

沔陽州志

卷三

建置

寺觀

誠沼提之淨域予聞前守王公辛公咸於此大宏佛事歲久  
漸圯繚垣頽毀苾芻寥落香燈黯淡鐘鼓闕寂莓苔剝蝕鮀  
鮀啼竄幾有陰房壞道之痛非少陵所謂如聞龍象泣足令  
信者哀耶今春晚沔有數士憇於社見大士現白衣像往來  
經行驚歎久之相與發信願掃殿爇香禁遊人之囂譁褻瀆  
者遂復有志募修乞予言以為之倡余維社之衰也豈獨宗  
風之銷歇蘭若之荒涼已耶物力之支絀歲時之災祲毋亦  
靈氣浸漉故不能默為相耶今報恩寺頽極矣社之規模猶  
具諸檀那鳩工庀材輝煌舊制計日可待邇來歲比有秋予  
司牧茲土而不與諸人士植此檀那所云為民祈福之謂何  
若夫莊嚴佛刹之福德利益良因勝果操券取償具笈中言  
之詳矣予不必縷述而樂善之施人有同好世豈無須達多  
其人哉余將拭目而觀成焉 李紹泌在廣長社校課藝詩  
高臺岬嶂倚雲天澤國風光在眼前夾岸濃陰環翠柳雙橋  
流水漾青蓮廣長蘭若吟聲沸奎壁樓臺倒 道光二十年僧  
影懸劇喜狄公能造士芬芳桃李盡英賢

啟柏募修歲久傾朽咸豐元年衲僧開述修咸豐四年賊燬

天王殿同治十年僧祖安復修



雲窟庵在南門外薄城今廢

華嚴庵一在西門城曲

明章曠詩華嚴隔城利我性亦宜之  
香氣停凡想梵音淨逆思月清風自

穩心直夢無疑大界  
同仁壽難忘觀念時

一在上南方梅家院一在新鎮河西院

一在下南方大木林

方志在上  
華嚴寺

一在葉家甲

方志在下  
華嚴寺

一在

上平里亨字號一在小林里宏字號一在下查埠南王家溝

天長庵在漕河里濱後河舊為童郡丞家廟今屬謝姓康熙

四十六年白兆宗禪師曾開期於此

方宏履天長庵詩精舍  
空明暝色蒼勝流相對

坐雲堂千秋蘿月孤光靜萬壑松颯暑氣涼文許清談窺性  
相裴王一名理話香光團圍此會真忘世莫打溪鐘夜未央

天齊廟在漕河里濱玉帶河

舊有蘇觀察開城河碑  
記並費僉事碑記俱佚後燬於

賊國朝康熙十年修山門內有明陳文燭碑記三十二年

沔陽州志

卷三

建置寺觀

寺

復燬於火譚余眾姓重修徽帝殿與十王殿山門五十六年

釋宗誌捐七百餘金鼎建大悲閣募修左右精舍各五進為

東西院與大悲閣通又置田以供常住後又建觀音閣道光

二十八年江蘇巡撫陸建瀛倡捐銀五百兩重建咸豐四年

紅巾賊燬獄帝殿同治閒福建按察使周揆源捐資重修前

殿光緒初東院朽塌十年大悲閣傾是年眾姓修西院三進

觀音閣一在下關橋灣蓮花池畔

明喻曉詩丹閣陵霄倚夕  
陽白雲渺渺樹蒼蒼半江

沙壅成梵地下界閣浮出上方月滿中天時擊磬煙  
生寒渚夜焚香往來湖海孤舟客卻喜登臨望故鄉一在仙

鎮北岸濱河後水漲沙塌廟宇懸峙河濱往來牽纜者無坡

岸可行雍正十年諸生劉武劉式劉之昆捐廟後田一畝為



閣基州判周起蛟亦捐費二百餘金知州禹殿鼇城守鄔俊  
彩暨諸善信移修基閣殿鼇又買田二畝五分以供香火兼

為文昌閣基址乾隆四年州判李在田鼎建奎壁樓復倡士  
民捐資重建文昌閣五年工成易名同仁寺

禹殿鼇碑記同  
仁寺者別駕李

君易觀音閣而名之者也沔治北曰仙鎮三岸濱河漢水之  
入潛折而東奔者至此則潏澗澗曲分流灌輸經夏口而達  
於江凡星使之彩鷁估客之雲帆靡不由此經過舊建觀音  
閣雄峙北岸俯瞰洪流雖瞿曇之阿練若平而鎖束水勢鎮  
定地脈敢厚豐腴氣實使之庶物精華人文靈傑豈僅曰龍  
象所設苾芻所棲耶無何岸坼沙崩閣基漸泐於水廟址益  
狹前別駕周君以往來牽纜者地迫促不能容趾乃指冰俸  
二百餘金欲拓其地遷移創修諸生劉武劉式劉之昆慕善  
好施慨然捐腴田一畝余又與衛守鄔公捐施莊嚴佛像益  
置田二畝有半以廣寺地為香火資今別駕李君與余同產  
中原君家河北柴門珂里為望姓等於崔盧君負白鳳丹象  
之才颯馳藝苑以恩選攝沔尉公餘卻掃簾閣濡首一編脩

沔陽州志

卷二

建置

寺觀

三

然名士風韻及余有覈田之役君協贊佐理風雨泥塗不避  
勞瘁俾予克有成功及遷別駕駐仙鎮於沔北隄岸竭力捍  
禦乃鳩士民商賈之植福田而信檀那者鼎建祇垣於是材  
木輻輳鏗蚪充物梁欂栌陶甃埏埴丹漆金彩之屬鱗萃  
而雲湧風偃而響應前為山門門以內為奎星閣後為文昌  
閣閣後為佛殿為觀音閣繚以垣墉飾以金碧光明巍顯不  
可名狀余嘗與君及諸生登臨瞻注恍遊兜率鬢持之境如  
飛仙之俯塵世遠而眺之層雲擁黛煙螺髻顧長河泱泱  
依稀魚龍悲嘯誠沔北之名藍巨觀也哉况如來大士以四  
等六度護萬姓之陸危文昌奎宿以五常百行鼓多士之巢  
征使年則熙熙而穰穰物則膾膾而芄芄其福國庇民之功  
司牧者實有厚幸焉神佛之布濩與長民者之噢咻一體無  
閒浹洽流通其為同仁也一在東方新增里鄧家院一在郭  
家河街尾俱作觀音寺

皇經堂一在上江北里明陳文燭建有石刻皇經一在拱辰

鄉下查埠



延壽菴一在上江北里釋松脂重建一在下南方楊家嘴廟

基四畝七分零二毫一在新鎮隄畔

方志作延壽宮

泰山廟在北三里即碧霞元君祠

國朝史宏業讀書泰山廟記康熙丙申秋泐大水

余瓶粟少儲屢仰屋興歎旦夕閒惟賦詩遣窮愁不較工拙

術乃勉攻舉子業謝絕家冗尋就幽僻遂於泰山廟假僧房

一椽為咕嗶之處即誌所稱五峯山色碧霞元君祠為復城

名勝地也屢經兵燹茂林高臺盡成邱墟已非復昔日之勝

然古木縈垂綠池淪漣常足以供遊覽大隄蠹亘如長虹而

泰山之廟適當其缺余來時荻花浮白楓葉染醉窗外桂蕊

吐香芙蓉泣露娓娓怡人未幾黃菊滿野紅蓼依岸北鴈噉

嗽點綴霞天遠聽樵歌牧笛斷續隨風景物澹宕助我文思

者良多夜閒挑燈展卷梵音佛號喇喇澈若與書聲相酬

和時而散步寺外則月挂高樹影映寒潭輕條擲於白蘋閒

鷗衝乎素波而漁歌歛乃愈覺清絕迨夫元冥司令朔風怒

號六花飛絮積深數尺林野四望琉璃萬頃斷橋奇景諒不

殊斯是時飛鳥絕迹人影不到一二老僧高臥竟日或撲被

沔陽州志

卷二

建置

寺觀

三

擁爐呵呵而栗余誦習不輟自覺別有冷趣並不知盛寒之切體而精神倍壯蓋人以為寥寥者吾以為紛錯塵境之樂要在人善領之耳除夕前五日始歸迄孟春之上九復至見往來遊士少長相攜笑語譁然先後綿綿不少閒晚來默坐淨几聞金鼓花爆聲如雷出而奮如兵敵而閱聒聒然兩耳屢徹通宵而余乃以寬閒之野浮屠之宮獨攜一卷歌泣自如真不啻聳身雲端俯視下界者已居無幾衲子以故遷余亦舍去然前所已歷者固已曲盡幽賞至今猶時形寤寐也不為之記其忍令快一在西方件樂里舊為東嶽廟嘉慶十年事湮鬱以貽林壑羞

五年改作泰山寺

無垢菴在下江北里之後五嶽園前明陳大理世業香臺梵

閣禪房精舍幽迴清淨沔境蘭若最勝處也歷年常開講堂

杏巖碧雲諸名僧皆於此演法舊貯藏經殘缺國朝康熙

閒講師行緯又募請梵本大藏菴後歸譚郡丞今改賢首寺



陳氏舊有青石院香火田行緯復置土橋湖田歸常住皆載

丈册明釋戒顯詩踏遍崇岡下逢師舊講庭尋幽真覲面寂坐似聞經寒盡千溪白春來萬壑青方思宛委步窗外

雨冥冥

洪山廟在東方朱王院康熙九年州牧朱作賓為僧照洗建

漢南洪山廟田糧碑記按漢南諸山來自大洪山故以名廟

漢北洋子院有廟相隔帶水亦名洪水

甘露寺在仙鎮南岸濱河矗立屢經興修為十分叢林閒歲

開期

鳳凰臺東方馬口

白雲寺白鶴廟俱南方填潭

沔陽州志卷三建置寺觀

三

隱圻寺南方潭子灣

發祥寺南方下西湖

鎮達山南方達路里

鎮洪山南方大洪口

長樂庵戴家場

玉沙庵下南方玉沙界

萬壽庵東南平坊

圓覺庵長湖亭

壽亭寺南方蓮花港

忠良寺南林口



天壽寺 夏子灘

后峰寺 下南方

龍升寺 在龍升潭寺內古桂五夏月濃陰花開時香聞數里

青龍寺 西方孔家院

鎮海寺 童海口

泰山寺 湖三角

高家廟 毛范院

碧雲觀 徐家嶺

法寶寺白馬寺 俱在謝家場

萬壽寺 夏家場

沔陽州志 **卷三** 建置 寺觀

忠義寺忠天寺 均在謝家場

白衣寺 在南方太馬河國初公建時有飛鼓來寺之瑞

順天寺 在南方沙口

崔家廟 舊名迴龍寺唐時崔子龍建

海家廟 舊名鎮龍庵國初海姓女適湖南方姓生尚書方雨人重新此廟易名海家廟

海風寺 即今玉皇閣在百石院救王台間

百石寺 百石院

忠義觀 在曹家嘴

廣福庵一在新鎮近村一在黃蓬山故志唐乾道元年馬祖道一禪師創後殿以僧昌濬守之即崇鳴寺一作廣福寺有



古柏二株井一

明陳文燭有碑記 陳文燭詩野寺疏鐘古  
人來始一鳴隨緣僧自住習靜世應輕宿鳥

窺香影遊魚識梵聲振衣登晚閣秋色大江橫又崇鳴古柏  
詩古檜依名寺禪僧景更幽苦心同入定香葉共焚修鵲立  
招提境鳥棲祇樹秋平生貪佛意落日始相投 潘遜遊黃  
蓬寺詩湖闊山高竺境開十年歧路客重來竹林迎曙舒新  
籜柏樹披寒上古苔曇雨欲迷香霧界諸天猶一在鍋鎮故  
隱水雲隈白蓮火裏原無礙祇說昆明歎劫灰

作廣一在拱辰鄉長墘口 故志作  
福菴 廣福菴

東嶽廟一在沙鎮通衢明初王光先捐建一在北方五業潭

一在東方長湖亭一在平坊一在南方燕子河一在西方劉

河一在西方白米院濱河又東嶽臺在西方嶽峙院

清正寺一在城外紅花隄一在七里城一在紅廟一在青石

院一在仙鎮一在呂蒙口一在泗港一在月隄王墩一在月

泗陽州志 卷二 建置 寺觀 三五

隄定墩

護國寺一在東方張家溝一在孟家院一在仙鎮通衢為護

國殿

清靈寺一在城內士灣尼楊□□自修因復名自修菴一在

東方印大院一在南方科第灣市後同治五年重修

青龍菴一在東方上馬口一在南方上平里

青龍寺一在西方孔家院一在蓮花院金銀剎

吉祥菴一在南方小林里田字號一在西范里道光二十九

年水圯今在寺東建一廟改曰新廟

興隆寺一在東方馬駕台北岸一在西方劉家場咸豐四年



燬於賊九年劉道榜等復修榜子舉人劉國璋請於總督官公捐資助修稱鉅觀焉

禹王宮一在張家場一在公明山

五顯廟在城隍廟左康熙二十年蘇撫湯斌題廢後改王公

祠

普照菴在報恩寺前久廢

桂香殿舊在望柳山今移建城內報恩寺有田三十二畝歸寺僧收租作香火之資

沔菴舊在校士館右後對鴛鴦池同治閒移建三寶街昭忠

祠左

沔陽州志

卷二

建置

寺觀

三

仁風塔在城東紅蓮關明天啟七年署州檢校許惠一憤沔紳豪橫建浮屠於沔城來脈之上 國朝康熙二十年州牧

楊士元毀

水月菴在仁風門外城曲久廢

準提閣在紅花隄雍正壬子僧純智募化重建

萬壽宮在紅花隄

青蓮菴在孫公祠上首舊屬鄧姓後屬陳於謨久圯

天保寺在南紀門外濱河舊名百子菴後為陳孝廉於誥家

菴易今名門內為佛殿後為閣閣左為方丈前一桂如偃蓋

今廢



慈林菴在南門外薄城

吉祥寺在南門外衢右沈嗣昌家廟

屯甲山在南門外城河南相傳陳友諒屯甲處明經高氏家廟今僅存基址

千佛菴在長夏門外橋西河曲

天后宮在楚望門外城曲

鄂城書院在漕河街

毘蓮菴在漕河里前有大池

湧蓮菴在下關街後面蓮池生員王增重修

藥王廟在湧蓮菴右面蓮池光緒閒重修

沔陽州志卷二建置寺觀 三七

上乘菴在上江北濱河久廢

印蓮菴在上江北里後前臨大池菴後有亭謝郡丞家廟

覺斯菴在上江北里濱河譚郡丞家菴屢爲禪講道場

慈雲菴在下江北濱河

節義菴在張大院貞女羅氏建有田十五畝零

真林菴在東五里傍有迎春亭

古楠菴 茶菴俱在東方下窰

石佛寺在馬宗里秋晚灣舊有廟臺嘉慶閒鄉人掘地得鐵磬大如斗上鐫古石佛菴道光初建廟以石佛名後遭兵燹

同治閒僧印雲重建



余家廟在裴家院余思溫建今為余氏宗祠

滄浪館在張家溝同治七年修

玉泉寺在滄浪里

五桂山在三江口舊志一名龍昇潭咸豐九年水泛衝隄成

潭寺名若預為之兆汪祖敬五桂山古柏歌有序五桂山寺相傳數百年矣至明社屋後桂俱委化

但存古柏一株歲在辛卯水溢柏嶺猶森森作殭立狀古質

蒼光蔚然可掬因作歌記之柏身如蚰蚘如蚪鐵葉生稜曲

如鉤神龍潭中不敢寐老髯橫撐古寺頭何年寺名傳五桂

散花香惹仙人袂風流雲散桂子飄嶽峙淵渟柏筠翠嵐光

上龔佛頭青香火不斷樹亦靈如來拈花忽一笑鉢裏仙緣

綠滿亭不幸重遭白馬劫危柯偃蹇向牆插鳳欲泣兮鸞欲

嘯老氣橫秋力不怯回身似作凌雲計仰面猶申拏月勢一

聲風雷破土花化作蛟龍騰天際祇恐鬼神都暗逃餘馨迴

繞古禪砌君不見楓林日落漢殿寒楊柳春歸隄殘蒼松

翠竹銷何處白髮催人夢亦闌滄桑幾更柏不死精魂倔強

河陽州志卷三建置寺觀

臥石壇我來摩挲重尋舊一株清蔭壓河干

積善菴 鳳凰台俱在馬口

玉皇閣在沙鎮前為元帝殿左文昌閣右三義廟

洪山廟在朱王院康熙九年州牧朱作賓為僧照洗建漢南

洪山廟田糧碑記按漢南諸山來自大洪山故以名廟漢北

洋子院有廟相隔帶水亦名洪水

百勝廟在上馬口

水陸菴在牛扒

復龍寺在解家口乾隆六年建

珠龍壇在渣潭里范家院



七聖廟 觀止樓俱在沙鎮

法華寺 興仁寺俱在沙鎮後

余師觀在悅安鄉西門子久廢有香火田二十畝

聚泉山在下盤灘

大佛寺在下盤灘南岸涉子畝

伏柱寺在陽三里姜家院光緒五年重建

真覺寺在何家場街東

普濟寺在余家場

靈山廟在東南紅藜院陶秉鈞重修靈山寺引靈山古刹也

歲旱民祈禱即甘霖立需故名曰靈山云山後有港日觀音

沔陽州志 卷二 建置 寺觀 三

不禁恍然曰三教歸一旨哉言乎士君子讀書懷古宏胞與之量懷撫字之心一旦膺民社為瘠土起瘡痍為殘黎切痲瘵慈悲方便莫大乎是予雖不敢如坡公為五戒後身而以玉帶鎮古寺竊望此刹如魯靈光金碧莊嚴知非福慧俱全現任宰官身者不能晉水陳公來撫沔衛臨屯秋徵暫署於斯有僧梵音古貌龐然請曰廟將圯矣願大檀那葺而廓之公曰唯唯僧即持簿索予一言為引予曰山有靈矣所謂慈悲方便而為功德主者果在公矣公蒞沔數載省刑息訟緩征薄斂衛之父子弟如登樂土猗與休哉其真廣種福田而康濟眾生者哉雖然公廉官也此刹末克獨就惟願眾善信隨分布施共襄成功庶不失大士慈悲方便之意而亦不虛公重新廟貌之願力夫方弘宜秋日晚過靈山廟詩稻畦延客步秋樹晚雲低浦迥荒煙澹林疏落葉稀開僧紉舊衲歸鳥戀斜暉鐙火村春急居人未掩扉

同然菴在西方初灘院

卓錫菴在光家外院董上質建

千竺菴 浮幢菴 三佛菴 洗塵菴俱在西方清水院



圓隆寺在屯田嶺

大柳寺在西方千家到

明章曠詩不辨何年樹偏深過客情百端綴形履一宿倍孤清時勢艱危

日江天風雨城有懷告聖主無面對蒼生

蓮花寺在楚府廟

青蓮寺在城西四十里

李漢京記城之西四十里有青蓮寺同治癸酉予與弟杰三假館其間且

讀且教梵宇數椽挺然孤立寺門外有潭多青蓮故以名寺潭水清深多嘉魚躍而洋洋甚自得也五六月中綠荷如雲散步納涼香風拂面沁人心脾寺後有臺聳峙如小山林木葱龍大者霜皮古錯可數十圍森森欲參天修竹鬱秀濃陰蔽日因竹為籬有蹊介然僅可通人野花覆徑春深馥郁多不知名時來異鳥巢林間鳴聲雜沓若歌若哭若老人歎且笑恍與書聲酬答予與弟每偕諸同人登臺眺望清風徐來齋聲刷耳聯吟續韻如在舞雩春風中也左右稻畦千頃梛棹臨水農歌喧闐想見田家真樂溪水環流聲幽咽可聽與前湖通湖亘數里波光如鏡晝則漁歌出沒欸乃聲清夜則

沔陽州志

卷二

建置

寺觀

浪激月影如萬丈金蛇蜿蜒走門前殊壯觀哉寺僧樸率習農業終肯不聞梵聲惟晨夕擊鼓磬數通警眠催讀於吾學少有助焉杰三與予倚檻遠眺顧謂予曰青林廣長諸禪寺瀕城邑得游人題詠而名益彰此閒地小而僻縱有佳况輪蹄罕到故得名獨難亦地之不幸也我兩人幸得之令過而忘之致勝境湮鬱弗傳地不負予予負地矣恐林慚澗愧請回俗士車也盍記之以公諸探勝者予日諾遂援筆為之記

仙女台在杜家院

詳古蹟

嶓冢廟在古院

古竹林在深江院

仙師廟在中溝

唐祠廟在師家到

新興廟在大柳院



興善寺在夏家埠頭同治七年重修

紫雲山寺在洛江河南

柳興山在柳口

望柳山在咸甯鄉

靈山廟在紅郝院

福壽菴在郝家院僧穎川修

慧雲菴在城南黃經院蓮子口顏姓公建

姚顏氏節祠在瀦龍潭

青龍菴在謝營口

圓覺寺在長湖亭

沔陽州志卷三十一 建置寺觀

迎龍寺在府場乾隆四十二年重修李凌雲重修引府場一

屏障也自明季崇禎壬戌前藩王建有觀音閣泊我朝

聖祖丁亥歲衆檀越改爲迎龍禪林蓋以地濱長港派分襄

江千里來龍一洲緊鎖寺鎮其旁命以名焉新創以來增修

聿至上院雖未飾須達之金西舍東房僅可挂牟尼之

錫培交梨於迦葉殿前會見寶花隊隊植楊柳於普陀巖下

爭看甘露零零而丹經綠字列白馬之楹瑤草琪花繞青獅

之砌居然十洲勝境何減五嶽名山也歲月經多荒頽滋甚

卽十方屢募而一刹難完三寶台前霜棲露宿九蓮座下兩

沐風後憶曩日雲房蘭若衣鉢俱空問當年香積茶廊劫灰

同燼且也寺有古巷徑通大街今則諸佛門前盡屬衆姓宅

後終朝濁穢整日羶腥是拈香掬水之壇場爲藏垢納污之

淵藪衆金剛能勿怒目諸菩薩有不低眉者哉今逢聖天

于功德齊天善量蓋地詔古聖寢陵及先賢廟貌圯者許

修壞者聽廷綸音一下寰宇蒙休竊維茲寺保鎮一方興

雲降雨久默相洪恩捍患禦災永堪幽贊元化爰開釋子

之柳普化仁人之橐幸蒙紫閣名公黃扉碩彥朱門貴胄白

屋耆英大慈悲共成善果拓自在之禪堂擴如來之精舍

殿聳通衢璇宮可連棟宇門關要道貝闕無隔檐楹則諸神



靜域以清以甯眾妙法門無遮無礙由是會長老以談經青  
虬乘祥雲而戾止聚上人而說偈蒼龍隨法雨以偕來神人  
幸甚茲寺幸甚李叶堂詩怪石日陰如伏虎老松人近尚  
棲鶴庭空靜對山閒竹院小還容月映花張棟題迎龍寺  
通幽處書齋詩晨起來幽處山深興自佳洞天多累石隙地  
半栽花詩品添黃絹琴聲出絳紗歸途還睠睠桑柘夕陽斜  
五柳灘在既青里

銅佛寺在南方老鴟院 金剛山全上

淨土菴在慶餘院咸豐五年僧覺照重建

長生菴在北洲院

長樂寺在水塔埠

祈福菴在黃林溝

永鎮寺在戴家場僧歸一募建置有香火田十餘畝

河陽州志

卷三

建置

寺觀

三

長樂寺在戴家場

碧雲寺在小沙院又名高家廟

三官殿在南方交監利地界同治五年重修

鎮方山在沙口

永固寺在南方永興村有古鐘一銘云江陵府江陵縣二十

六都石垆院西隄居玉泉竹祠蔣真人香火景定元年十二

月鑄次年六月從太馬長河逆流至寺

明李濂詩透迤沙口村歲晏過其地前有

修竹林云是永固寺不知何年建臺殿今頽棄下馬覽荒跡  
石碑震雷碎獨存宋遺鐘上鑄景定字捨院牛羊入朱龕  
鵲戲諸天金碧色剝落三之二曩時祈福人歲饑闕無至天  
寒野陰黑往來哭魑魅一僧寂無侶晝擁袈裟睡鉢塵恆苦  
饑徒抱西來意熒熒石蓮燈照我激清喟眺古反重悲感廢  
非崇異空門啟冥筌淨界參元譬慈航那可援瘴海得攸濟



呼僧吹法螺  
一醒諸緣累

仙真觀在永興村宋元祐閒道士許元禮建

碧雲菴在沙園

救苦菴在楊家嘴

陸蓮菴在盧家灣

六卽菴在返灣院濱河講師定堅註華嚴於此

般若菴在柴家嘴

飛錫菴在新鎮河西張三泔口

胎聖菴西來菴俱在新鎮河西

萬佛寺在新隄同治

建馬元愷記自赭逆倡亂廣西攻長沙不克遂由益陽岳州掠民

沔陽州志

卷二

建置

寺觀

三

船東下沿江鎮邑蹂躪始徧茆江一隅介在江汭受害獨淺其後全省淪陷僅荆州郡治稱完城魚鹽百貨皆取道茆江商賈貿易帆檣往來如織胡文忠公以臬使率千人駐京口扼賊上竄積百戰相持久無繼援餉精告竭賊亦畏鋒將避道分股由漢沔窺荆州由崇通窺岳州茆江距腹地賊繞百里隔江烽燿燭天彌望皆是一時士大夫奉上臺檄捐釐助餉濟送者踵相接由是胡公軍大振與賊戰益方會曾文正公舟師成率軍門塔齊布由岳州下大學士官公文總督兩湖從荆州敗賊進營蔡甸三路師畢會而楚疆以克楚軍之名聞天下不期月閒名城大郡以次規復於是水陸衝要皆行徵釐法歲入四五百萬兩國家利賴而民生無所擾累法良意美天下奉為準的而倡之者則自茆江始夫厄運當前而一方獲免非人心之大善奚足以受天佑財賦日強當事者得所藉手使羣醜日就誅夷以言此今海內治平非士大夫之摠誠抱忠具大智識奚足以言此今海內治平非道萬里桴鼓不驚士大夫游翔大化好善之心仍孳孳不倦如立江峯書院育嬰保節諸局凡可裨益地方者無不次第舉行可不謂盛與開迷師者高行僧也科頭跣足著破衲衣暑不汗寒不包自出家至年七十餘操行如一至是周覽江得得洲數十畝傲東林惠遠故事誓願建道場棲止釋服禮



佛為地方祈福士大夫生信心隨緣樂佈亦如所以好義急公者基高宇峻制度闕壯工未訖迷師西逝繼之者真空上人戒行清嚴以將有南海之行懼事久就湮無以表眾因礮石俾述緣起予念諸士大夫夙性好善且視毀家紓難為易事豈屑以此涉矜異然當海內鼎沸民人流離死亡原野之開尸骸暴露豈料復有今日今亂離已熄豐年屢慶得以樂無事而興善舉誠不可以無記矧我國家深仁厚澤浹髓淪膚不獨胡曾數公為時良輔即茅江士夫亦且有功於國則益知國祚綿長萬年相繫以不做流風感動後來者咸得以興起也故不禁歡喜讚歎泚筆記之其護法姓名刊列

棲賢寺在仙鎮西岸內

十王殿在新鎮

火官廟在新鎮

江峯閣在新隄

沔陽州志

卷三

建置

三十四

國客偏遙河山鐵騎雄三楚煙雨銅駝泣六朝聞道東征頻轉戰淪陽戈艦下如潮傳衡詩河山勝蹟已全空高閣臨江勢獨雄兩水縱橫分內外一峯突兀界西東戈船直擣三吳地銅馬猶嘶六代宮倚檻登臨無限感笛聲吹起半樓風

龍居菴在王家院

鎮南殿在峯口

普樂寺在簡家口光緒三年重修

老官廟在茅埠鳳凰磯

恆沙菴在白沙湖光緒元年重建

普慶菴在胡范家洲

五通廟在烏林磯

鍾靈寺在香山



靈福觀在黃蓬山宋淳熙閒道士張子巖建劉深記陳文燭

文集載重修黃蓬山靈福觀碑記河古竟陵地東南一山曰黃蓬去州二百里岡阜隱見若瓜蔓其峰三百餘江漢之靈

延綿環結蓋福地云山間有觀名曰靈福不知創自何代觀鐵爐古篆其在周秦乎郡人檢討劉公琢賦十二景其子進

士公深作修觀文以十二詩刻於碑之陰先中議公思與小子同遊一詠其槩以續劉氏父子之盛乃中議公竟不果也

今小子卜石靈山莊始一至之吾友劉君完李君孟時攜酒以從登從古城時天甚暑觀有古井水寒而甘汲之可瑩心

消渴覽其殿宇霞駁雲蔚李君曰此吾先處士某所修虛石以待名筆劉君曰願子一言以配先公余高兩君之詣安敢

以不文辭予聞海上三山蓋有蓬萊方丈瀛洲而姑射之中蒙穀之上多金銀宮闕其閒羽衣黃冠御風飲露乘雲馭龍

光日月而載星辰者何限乎茲觀視之真太倉一粒耳然道之周流宇宙猶血脈之貫指臂也廣成子所談柱下史所論

河上公所著鴻寶萬畢所錄咸云至道之精窈窕冥冥昏昏默默無勞汝形無搖汝精無視無聽元之又元大都與吾儒

之靜佛氏之空有同歸焉夫脩潔而飾者慕道之象也抱神而一者守道之真也余嘉李處士新其象而欲閭巷之人修

沔陽州志

卷三

建置寺觀

五

其真也故與二君言之頗詳若夫丹竈石髓金膏玉液練色蟬蛻稱長生不老則余敢盡知哉道士聞余言請書諸石將俾二劉公之詩文處士之一念與茲山並永也又靈福古鐘詩古鼎香初散深林鐘自鳴宮商隨法鼓風雨雜泉聲浩劫何年造登臨此日情黃庭如可誦從此學長生費尚伊黃蓬觀詩帝座高居法界天客來風御自冷然仙家舊掘燒丹井道士閒耕種玉田羽蓋層層遮嶂霧香爐細細引湖煙遊人甚欲探鴻寶桃李重開定幾年潘遜遊黃蓬觀憶余道士詩仙宇蕭條水石間偶乘春色一躋攀青山尚有雲扶杖紫氣偏遲客到關桃樹徑邊人去遠松花香裡鶴棲間洞天暝色湖天共朗誦南華踏月還

寶樹庵在下南方九總隄內俗名下港廟嘉魚熊開元披緇

後憇錫於此庵有古樹因名開元後終江南寶華山號葉庵和尚庵舊有香火田

五龍山在西方武家腦

青龍寺在白公湖劉挾與浮屠鐘品序閉門幽居貧賤自廢不為人作文字者三年於茲矣今歲之春



青龍寺僧鐘品將恢宏其廟制而屬余爲文以請於鄉人余辭不獲乃爲之言曰事有出於屠浮之所爲而君子可以無譏者請得而極論之攷之周官遺人十里有廬廬有飲食三十里有宿宿有路室五十里有市市有候館當此之時行旅之出於其塗者飢者得食勞者得息其蒙霧露犯寒暑而死者絕無也今郡縣通衢每隔數里則有街市蓋行者猶便之若夫窮鄉僻陬平沙彌望行旅之出於其塗者暑月之暘日冬月之寒風飢渴困踣委頓道旁此縣蠻之詩人所以悲心於遠道也今青龍寺介在湖鄉之閒凡自河北赴河東者率由其地而草萊初闢旅舍未設于焉初建寺宇蓋亦羈旅棲息之便也又嘗考之戴記郵表礮之文注云郵謂若郵亭屋宇于井畔相連礮之處造此郵亭田峻處焉蓋古勸農之官田閒皆有屋以居之也今青龍寺之四面廬井新集阡陌縱橫州郡守土之吏以時課農桑興水利一歲數至其地得此寺而休暇焉予以聽其政事是亦郵表礮之遺意也顧或謂寺中所列之神祭典不載淫祀無福是說也余嘗論之矣禮天子祭大厲諸侯祭國厲大夫祭族厲士喪禮疾病禱於厲今鄉曲之閒旣不祭厲而於寺中雕鏤金碧之像俾無後之餒鬼從而依附其閒以享民間之祭庶乎鬼有所歸不爲災害則卽以寺爲一鄉之厲壇亦可也嗚呼浮屠之充塞乎天下也久矣吾不能禁人之爲寺而復摭拾古義以塞寺僧之請以告于其鄉之人僧其持余言歸雖有明理守正之儒不能難也於以鳩工庀材革故而鼎新可計日而俟也夫

沔陽州志

卷二 建置 寺觀

美

石佛寺在馬宗里秋晚灣舊有廟臺嘉慶閒鄉人掘地得鐵磬大如斗上鑄古石佛庵道光初建廟以石佛名後遭兵燹同治閒僧印雲重建

普福寺

在紅廟下場

迴龍寺一在小陽一在古木潭一在水晶港一在北方何家灣一在長塢口一在西方陶家巷陶大年有記佚

方志作迴龍山

興源寺在下花院唐時名廣福寺後名花墳寺 國朝順治

八年湖南巡撫金廷獻改修易今名久之江岸崩頽康熙三



十七年南撫金璽官舫泊岸偶憩廟見梁上父諱詢其故復於隄內買田一石捐金重建

達士菴在下江北東

紅廟在北方十里

敦厚菴在下查埠

菩提菴在長墻口

錦浪菴在黃荊口

福田菴在長發院

雙龍寺在下查埠

三聖閣在下查埠寺藏華嚴經二部廟係元時建 國初進

沔陽州志 卷二 建置 寺觀 三七

士白拱薇捨宅於其右柱係楠木今東嶽殿是

永慶寺在拱辰鄉蓋子河

西來寺在仙鎮西臨江客人建

真如菴在仙鎮西昔住持僧亟一於廟後募化修建一白骨

塔今廢

響應寺在仙鎮北

甘露寺在仙鎮南

龍華寺在仙鎮南新淤院寺傍建寒石和尚石塔

禪那寺在漣嘴

崇慶寺 天竺寺 洪福寺 雲水寺俱在拱辰鄉南河



大覺寺在下麻港

東林社在沙灣

淨業堂在曹家院貢生陳泓姚家廟本院香火田五十一畝  
新廟在北方曾家口

永順禪林在清水灣

永慶古寺在陽五里恩隆院寺有銅身祖師高八尺餘

崇仁殿在傅下里朱家場河南光緒五年職員朱邦成募化  
重修

西洛寺在夏家埠頭同治七年重修

九如寺在下查里舊為泗水寺光緒五年僧常道重修

泗陽州志

卷二

建置

寺觀

三六

世雄寺在馬七里杜家榴同治十年建

雲水古寺在陽七里張字號唐鄂國公建嗣因牛蹠支河移

形沖斷今祇存二棟而已

天竺遺經明御史尹良佐夫人郭氏建因良佐年三十一而

卒氏誦經此處以終在陽七里張字號今僅存基址

古慈壽菴在脈鎮明中憲大夫尹際寅建即郭氏子也 國

初更名羅漢寺左構娘娘殿燬右財神廟尚存

古聖寺在劉家河南光緒五年修

楊家廟 童家廟 老關廟俱在馬五里

樂善寺在周家幫